

甘肅全省新通志

卷

柒

拾

肆

76587

地 180  
3P  
部 = 59



甘肅新通志卷之七十四

秦州直隸州

東漢尹 嘉漢陽人靈帝時爲祿福長祿福孝女趙娥親報父仇手刃縣民李壽自詣獄嘉縱使去卽解印綬去官

晉傅 祇栗亭人性至孝才識明敏武帝時拜太子舍人累遷散騎黃門以功封臨川侯加右僕射中書監

南北朝傅引之祇四世孫儻有大志性至孝仕劉宋歷位太尉

元魏趙 瑗字叔起天水人苻氏之亂乳母攜奔壽春年十四乃歸孝心色養餽熟之節必親調之初爲兗州司馬轉團城鎮副將還京爲淮南王他府長史時禁制甚嚴不聽越關葬於舊兆瑗積至三十餘年不得葬二親及蒸嘗拜獻未嘗不嬰慕卒事每於時節不受子孫慶賀年逾耳順而孝思彌篤慨歲月推移遷窆無期乃

甘肅新通志

卷七十四

人物志

孝義下

一

絕鹽菜斷諸滋味食麥而已年八十卒遷都洛陽子應等乃還鄉葬焉弟煦字賓育位秦州刺史

趙合安孟蘭強皆天水白石縣人四世同居行著鄉里詔表其門

唐趙 翱本長安人徙家天水母歿廬墓刺血寫佛書及父歿毀瘠

幾滅性後翱死子光遠毀瘠亦如其父詔表門墓又見本州流寓趙來章天水人父矜由明經爲舞陽主簿後遷襄陽縣丞貞元中

棄官客柳州卒野葬無標識元和閒來章始壯自襄陽徒行至柳詢求葬所人無知者哭於野十九日不絕聲人事既窮乃虔心問

卜卜者秦詡兆之曰其墓直丑在道之右南有貴神塚土是守乙已於野宜遇西人深目而髯其得實因明日適野有叟荷杖來問

曰爾非故趙丞兒耶吾爲曹信是邇吾墓直社之北二百步武吾爲子薨焉如其言往啟土發棺衣衾故物皆在觀者皆爲出涕來



章遂以樞歸葬州刺史柳宗元爲之銘

宋程 俊河池人幼時父母陷於夏稍長思親哀毀幾不能生乃捐家貲贖父母未得日事泣禱寢食俱廢夏人感動遂歸其母邵氏俊承順顏色奉養周至贍母黨百餘口服食器用必與己同又事諸兄恭謹撫諸弟友愛鄉里稱之仕至康州防禦使詔旌其門張伯威河池人紹興元年舉武進士調神泉尉大母黃年九十八不忍之官黃得血痢疾瀕殆伯威剔左臂肉作粥以進其疾亦愈伯威妹姑病篤驚而成疾伯威復剔左臂肉作粥以進其疾亦愈伯威妹嫁崔均其姑王疾妹亦剔左臂肉作粥以進遂旦即愈知大安軍羅植即伯威所居立純孝坊崔均所居立孝婦坊事聞詔伯威與升擢倍賜其妹束帛

金雷天作字君山秦州人父世長積貲能施歉歲傾米麪錢鈔賑貧

甘肅新通志

卷七十四

人物志

孝義下

二

民疫癘之年廣市善藥延良醫四出診治全活尤衆聚書萬卷皆經手披和族睦鄉里稱爲善人天作幼聰敏長益力學博通經史尤講求禮經創營家廟四時率族人修祀事物未薦新不以入口捐貲賑寒餓掩骼齒學豐而不仕居家教授門下著籍者百人化行一鄉子孫遂世顯焉

元畢也速答立迷裏氏家秦州父喪廬墓次晝夜悲號有飛鳥翔集塋土踴起

曹 楨同慶栗亭人友諒孫也積功至武德將軍鞏昌礮水手萬戶出征河南有殊績賞賚甚厚思母泣涕告歸侍養遠近皆稱其孝焉

明潘 宏秦州人成化中輸糧千石賑飢詔賜冠帶

丁儀魏卿皆秦安人儀宏治初陰陽訓術也割左股愈父病卿縣



學生正德初居母喪廬墓三年上官皆題請旌表

安廷禮字希文秦安人生而慷慨讀書至睦嫻任恤慨然動念嘉靖閒旱荒成災廷禮輸粟千石賑濟飢民邑合上其事蒙恩賜冠帶榮身號曰義官既卒監察御史南安劉應熊爲銘以頌之子六人皆有聲庠序

張之槩秦安隴城人侍郎錦孫參政潛子也有孝行以鄉舉肄業國學夢母病馳歸而母果寢疾禱天求以身代母卒哀毀廬墓以母素畏寒每雪夜輒伏墓而泣久之墓側有翔鳥湧泉之異

雍 周清水人家致萬金專事賑窮濟急結納名賢至破產罔恤王英謝繼昭夏時皆秦州人英爲衛軍餘丁少孤事母孝母卒廬墓跣足負土者三年時暴雨害稼墓側禾稼獨無損繼昭廬父墓悲號三年有馴鹿產芝之異有司以事彙上詔皆旌其門時字尙

甘肅新通志

卷七十四

人物志 孝義下

三

寅充禮縣生員七歲失怙母爲延師授經學成事母尤篤摯母卒獨居墓側穴窠匏食每雞鳴載土於斗跪敷冢上久而冢大如屋有鳩傍穴而巢兔孕穴中州牧上其事請旌時顧以爲深恥也

李捷芳蒲一鵬皆秦州人捷芳與弟連芳純孝篤睦親歿以毀瘠著聞一鵬入州庠兄鵬因事羅法獄已定鵬時年十九步隨巡按輿後泣訴踰載卒得釋逢年饑出粟賑濟活人甚夥而同里馬中漢周永康亦皆以友恭端方爲州黨欽重中漢動作有矩少年不正冠不敢過永康言寡行篤士子從學者衆子肇基亦有方正名趙一巖張肇慶薛國魁皆禮縣人一巖事親養志孜孜不忘入都歷監止少一日聞訃人勸俟次日報喪監事完矣一巖不從遽奔

歸廬墓三年服闋後赴京補監選授絳州主簿肇慶縣庠生以孝親友弟爲兩院旌獎國魁孝行有聞與弟廩生國佐友愛無間知



縣趙某爲題額表其門

蔡啟蔭秦安人因賊至村負母出走賊將害其母挺身護救賊感而並釋焉

馬根學禮縣人負父逃亂爲賊所獲乞以身代父死賊竟殺之聞者傷焉

高汝價秦俊皆徽縣人仕皆至王府典膳先後以孝行舉旌

劉綏孫居業皆秦安人綏廬墓三年居業幼孤孝母母歿亦廬墓三年皆旌其門

項謙張孔~~孔~~淡宮程範皆清水庠生杜漸清水省祭官也謙字信亨少喪父事母至孝母疾醫云得人肉和藥可愈謙割股以進母終廬墓三年孔教字師聖父喪明母多疾孔教日侍左右未嘗暫離及卒亦廬墓三年漸善事繼母與二人同舉旌淡宮範生養

甘肅新通志

卷七十四

人物志 孝義下

四

皆盡誠親歿後淡宮廬墓至終喪範穴居墓側朝夕茹淡以首負土築成高墳焉

郭師游字春峪徽州人莊子也萬曆戊午副榜戊子登賢書任臨城知縣性至孝聞母訃哀毀成疾尋卒妻弱子幼囊澀不能發柩臺司憐其清苦給勘合送柩歸臨城士庶沿途設祭絡繹不絕

蔡廷棟宋師聖張友雍皆秦安諸生廷棟家無餘財崇禎二年邑饑盡出藏粟百石以賑事聞錫冠帶七年寇陷城師聖輸貲修葺綏撫難民十三年友雍亦罄家粟二百石賑饑皆被旌 國朝順治閒師聖以選拔官嶧縣丞

侯亮工字堯卿秦安人鄉賢一元孫也崇禎末流寇陷城父大慶襪賊執斷其一臂去亮工時年方十七急赴救傷胸昏仆醒則賊去已遠歸覓死士數十日謀殺賊復父讐一日賊復至亮工腰箭



手刀哭拜母曰阿母善撫稚弟幸存宗祀兒去暗賊肉矣躍馬馳往發矢殪賊賊尋大至從人皆散亮工揮刀殺數十人遂死之賊退母楊氏率家人往殮屍見亮工被創偏體口猶含肉一片蓋賊肉也

國朝胡恆升字九如秦州明太常卿忻孫也五歲而孤哀毀若成人入庠後貢太學得授州同職以養母故不出性好施嘗分田廬資姻戚捐地置義冢二州東馬跑泉有水田五百餘畝盡異族人之失業者至今賴養焉吳逆之亂靖逆侯張勇至秦與恆升語大奇之檄合攝狄道州事且欲聞諸朝恆升以母老堅辭

趙修士字廉儒秦州庠生胡志寅字書咸恆升兄子也修士居家孝友工文章善談論嘗與清水知縣張某論經史於署中終歲不輟後因父病棄舉業讀醫書遂精其業父歿幼弟未周晬時修士

甘肅新通志

卷七十四

人物志 孝義下

五

新娶婦即飲以下乳藥合哺之嘗拾金於道追還其人或負修士金病且死修士遽出券付之志寅九歲而孤苦粥如禮事母孝事恆升若父由諸生入太學考授縣丞以養母不仕歲饑穀踊貴悉出私粟周貧乏有負其債者將破產以償志寅聞之急還其券吳殿契秦州人嘗拾遺金訪還失主冬夜偷兒穿其屋呼告曰天寒胡爲來此好去吾不洩也後遠出遇盜中一人止衆勿前蓋即向偷兒云

梁必擢蕭致祥侯萬里劉世名皆秦州人皆以孝友傳家必擢五世同居妻陳氏主家五十餘年長幼百口無閒言致祥謹事孀母亦五世同堂萬里以禦寇有功授兵備道屬守備力挽千鈞彈能中飛而家庭雍睦內行敦篤溫雅工詞曲人謂有儒將風世名官秦州營把總以功加參將銜其父負人數百金父卒年久人已不



索償矣世名盡所得銀糧償之與弟芳名同居弟用財揮霍世名絕不檢校

曹仁民秦州人雍正中庠生十歲喪母哀毀如成人事父尤孝父患惡疽口吸其膿血至盡得無痛苦父歿五日始能歡粥葬後廬墓三年繼母嬰痲疾出入必親負背以母常茹素居喪後遂不食肉飲酒年八十餘值父母生忌辰猶令子孫扶掖入祠展拜悲哀里人慕之公舉孝行得旌

白玠程直皆秦州人以孝稱玠母喪將發引墓在渭北橋狹不可行玠向河哀號一夜冰堅可履渡柩過後冰即解人以為誠感為勒碑記其事直九歲喪父鞠於祖母既長事祖母盡誠竭力舉足不忘慈訓愛敬之至人以方晉李密乾隆中公舉順孫焉

羅宏恩秦州人貧而尚義族人某祇一子客蜀流落贅於村民家

### 甘肅新通志

### 卷七十四

人物志

孝義下

六

宏恩賈商貨入蜀訪求數年得之贅主固不放歸訟之官官斷令財贖乃傾裝貨贖歸為娶妻生子一房宗祀得不絕子弟及支屬游泮登科者甚眾

王世科秦州人幼家貧自鄉徙城賣餅養親而寬厚喜施里中呼為王善人與禮縣石運福相友善運福貧甚世科為娶妻且割宅居之有趙氏子鬻宅於世科世科憐其無歸析宅之半居其老母妻子者八十年又喜問字讀書子璋孫汝楫後皆入州庠為佳士曾孫庚亥恩科副貢生

趙慧秦州人讀書工文藝適新疆迪化州開館授徒積十餘年旅橐漸充遂周貧濟急鄉人至關外者則傾囊仗助嘉慶中始歸則家業轉豐子孫皆成立矣益汲汲行善事春夏閒日作麪餅斗許於路旁散給行道諸村農戶貸糧必蠲息贍給里黨中皆呼善



人焉

雷攀桂字林一秦州世族也三歲喪母稍長思母不置夜讀倦寐忽見母形旦以語祖母田具道其狀田泣曰真而母也自此歲時薦獻必悲泣竟日十三居父喪哀毀過人以早失怙恃事兄澄天如父兄性剛待攀桂極嚴值其威怒則長跪請罪兄怒解乃敢起至老猶然子二宗价宗倬皆州庠生

蕭尙遴韓得乾周丕顯李可法張人傑皆秦州人均以施濟得名尙遴當荒歲於村外空宅蓋棚施湯飯自春及夏用糧瀕百石不足則稱貸繼之全活者衆里人於施飯處建坊表德得乾丕顯各出粟百餘石賑饑豐稔後償之不受可法賑過境流民數有惠於里黨里人皆製匾額其廬人傑嘉慶中武舉好施財濟急出貨不責償道光四年歲大饑出粟百石賑鄉鄰里人爲建坊額曰行符

甘肅新通志

卷七十四

人物志 孝義下

七

母德

孫著業字子明秦州人嘉慶初川匪頻擾鎮著業負母伏巖穴中爲賊搜獲號泣告哀賊感而釋焉其母受驚成疾痰壅吮不得吐著業截筒投母喉吸其痰而唾出之居母喪期年無笑容長孫耀祖早孤蒙著業教之人庠其事祖極誠孝居鄉敬老愛衆信義孚物鄉人化之少年無犯齒游蕩者過客或遺財物村人必爲追還之曰孫先生囑也

孫文裕耀祖疏族也家貧而能孝父怒則長跪引咎色霽然後敢起繼母常患骭疾夜尤痛甚文裕母足下終夜扶骭拊摩如是者數年母卒哭過哀淚盡而繼以血時有同里監生武應東白環里苟天賜皆以孝繼母稱天賜早失恃爲繼母所撫事之如所生以至老應東有二兄而繼母膳羞葬具皆獨任之兄子某以忤應



東繫於官官將置之法應東詣公堂自承失教之咎泣涕爲請乃得釋

王承烈王耀烈倪學曾皆秦州人承烈以祖母失明棄學奉侍居母喪哭不成聲先祖生忌日必具衣冠奠薦哭泣至老猶然耀烈母有喘疾早晚爲捶背不離左右者數十年學曾二歲喪父孀母鞠之成立事母愉頡下氣既壯猶若孺稚傾蓄積建崇坊以彰母節三人皆道光中以孝子旌表

武安邦趙恢皆秦州南鄉人嘉慶初川匪竄擾民以避賊失農業久皆乏食安邦出己糧百石按戶分給事平後里人具羊酒登門償債安邦笑曰曩無公等我家糧皆爲賊有矣委之賊而家破何如散之衆而偕存况我避難在堡添生兒孫如許天之償我甚厚敢復責償於人耶顧指穉孫登瀛曰此俊物亦天所以償我也卒

甘肅新通志

卷七十四

人物志

孝義下

八

卻之不受恢家無餘資而好施舍村東有往來要路巉巖壁立河水衝激其下每夏秋雨漲涉水者常多陷溺恢雇夫鑿石剷崖成道行旅德之時又有例貢生趙恆昇者亦於戊辰春出粟養八莊飢民盡五月乃止

甄繼庭秦州人庠生學以孝悌爲先鎮人僉慕其德義同治初集衆築南堡堡成賊至昇礮欲攻之一賊諫曰此堡有仁人不可攻杜遇春秦州人篤於倫紀年六十母猶在堂便溺穢器皆親承進滌除不假家人依依膝前若孺子然母歿後兄弟皆年近八十朝夕必同席對餐友愛之狀遠近稱羨卒年九十餘子向榮州增生有文名孫樹楨光緒辛丑舉人

汪潤乾張寬俱秦州人年皆九十餘潤乾以孝行旌表寬持躬順讓鄉里化之卒之日晨起整衣冠仰臥家人問之曰今日我將



去然天熱不可出門當須晚涼至申晡時果卒人皆異之而南鄉  
天水里尤多耆壽君子楊國川年百有三楊富川年九十八楊賦  
年九十六楊寅李啟財年皆九十二董復孝年九十四田福張大  
運皆已九十大都孝行無虧者也

王開元字乾一秦州人鄧曇字雲華州西關人皆孝悌而好施開  
元八歲喪父鬻糖餅以養母得一味必歸遺親長益勤篤諸姪早  
孤撫之盡心力爲延師督訓出貲創立宗祠歲時率族人薦享如  
禮嘗濟孤貧助婚葬冬月見凍者輒買薪給之以義行充鄉飲耆  
賓子健廩生姪佐汝賢皆登科第曇家故饒少聰慧嗜學篤孝友  
父以厭鬻居鄉曇不時趨省往返勞瘁不少怠事叔父如父待從  
弟如弟與弟睦友愛尤篤同治七年大饑曇節口食出粟賑濟存  
活者衆敬禮師儒迄老不倦子七南琦歲貢署教職南邦諸生南

甘肅新通志

卷七十四

人物志 孝義下

九

英乙酉舉人選授西和縣訓導

汝來鳳秦州庠生從弟監生階鳳岐鳳皆好義舉來鳳嘗出見故  
人子落魄在市呼至家出其父質田宅各籍盡與之階鳳充里民  
局紳主管北八鎮運夫免孤寡老弱者數百家善州營遊擊田某  
呈請承免里民營役鄉人德之岐鳳業商同治七年大饑出錢千  
緡濟北鄉佃戶又假商肆錢三百市牝馬以付鄉民孳息累百積  
錢數千緡專以賙窮急不作他用故其子弟入庠登科者不乏人  
恩貢生周勵政民人陳銘董玉成皆秦州人勵政父病癱且瘖侍  
疾者莫得其意指唯勵政能先意迎承晝夜不離寢室者踰年父  
歿益敬兄愛弟事無巨細皆稟兄命而行親喪遂絕葷酒以終身  
銘早孤事母盡心力母所嗜味晨夕必備陳母目暗不耐幽處時  
負之出遊問母所欲往雖遠必致之族人有孤孀貧乏者銘爲給



服食供其子讀書且爲娶妻以俟其成立玉成鬻餅爲生而事兄福成如嚴父每旦負餅出歸時必持肉餉兄兄早餐畢將出散步則置錢數十於其囊備是日果餅之用或察其用盡則續置之如此者三十餘年福成卒一慟而癲竟以狂易卒

李具才劉三旺皆秦州人具才出嗣季父嗣母憎之並及媳趙動加箠楚而孝敬不衰趙氏尋以凌虐死具才復與後妻拮据營養口不言母過伯父老而喪子具才養之如父叔父某卒其子幼弱爲厚葬而撫其子三門皆賴以立三旺六七歲時與醜夷鬪爭聞父母聲即止同治中回寇至村母嫂皆溺於水三旺泗水中負母挈嫂出逃賊追瀕及呵問何不捨去答曰母生則生母死則死終不能舍也賊敬其孝護而歸之又有白旗寨楊轉娃者行乞養瞽母與母言必作笑容賊至寨舍妻負母而逃卒得俱免後復遇賊

甘肅新通志

卷七十四

人物志 孝義下

十

爲所獲賊置諸櫬而切之櫬斷而頸不傷人謂孝行得陰佑云

王得義秦州人幼喪母繼母楊與其父不睦得義出入相勸百計調和二親卒歸於好父卒後楊欲改適得義勸懇奉養母感而爲之留久更慈惠若所生焉叔父某喜閒好博得義常饋酒食獻衣履以感悟之叔遂改悔自新里人具其事上 聞旌之光豐以來與得義先後舉報孝行者又有王居易白鳳袁存敬蒲德成雷震西魏玉堂王制徐萬魁田潤馬含粹李映桂劉建唐劉長源李舉安映桂建唐事繼母竭誠敬含粹亦善養繼母而侍父疾近十載長源侍父疾舉安侍母疾皆二十餘載不懈萬魁因母疾攻醫書稱國手云

甯迎喜秦州人同治初回匪迭至迎喜負父芳出逃賊追將及芳命舍已速走迎喜固不釋手芳怒撻之終不去賊至先刃其父迎



喜伏父身遮護與父俱死其後有白映瑞馬東附皆負母逃難映瑞給賊以置母安處願出藏金相奉既寄母他堡乃徒手出就死東附年已老遠負勞劇至嘔血而猶不息焉

孫精業秦州人母侯氏患癱瘓手足不遂精業侍奉勤勩晨爲著衣昏爲解衣朝夕二膳皆手箸送食多方體恤始終不懈又便溺則負之如廁便已卽爲漱滌如是者歷二十年同里閻楷杜瑛皆篤於內行楷字模如庠生幼失怙三年不忍開父書牘日面之而泣母疾思食瓜一夜行百里覓獲以進事伯叔父與兄皆恪謹兄歿圖形而奉之事嫂尤嚴恭每夕爲子姪講小學必合家人婦女環聽卒時端坐氈上以氈未正命子正之乃瞑瑛父亡母出幼鞠於祖事祖至孝出外依期必至或以事遭怒必和顏引咎不解則長跪婉請起而嬉戲以娛之或爲拂鬚捫背牽衣捫膝必合歡笑

甘肅新通志

卷七十四

人物志 孝義下

十一

乃已在外得異味必齋歸進之祖病時飲食皆手調不令妻治里人稱之

曹啟元張淵皆秦州人啟元早喪父諸兄皆前卒事母樸誠勤摯戀戀若孺穉然有神憐其孝增壽一紀之驗淵年二十喪母繼母愛前夫二子譖淵於其父父母常謀殺淵淵潛出外力作積錢百許輒市時菜甘果或父母嗜食之物以進使令則急趨逢怒則跪謝久之親意漸回遂爲父子如初侍疾勤勩居喪盡哀爲母前子娶婦成室待之如親兄弟壽至八十五

王應麟秦州庠生父卒後繼母史暱愛所生子誠實而惡應麟應麟愛弟乃益篤日出樵採夜伴弟苦讀誠實之飽煖飢寒皆審視而調適之史見乃喜又嘗慕老萊子斑衣娛親事百方作態以博母歡喜兄弟同居友愛至老又同里有崔仕祿者善事繼母道光



末舉孝行得 旌又有陳鳳翥者母性悍戾常曲意祇奉務轉暴  
爲和有過則伺隙婉諫即遭怒受箠楚弗憚也

劉懷秦州馬河灣人李潔芳石家川人懷家貧無貲業與弟袋日  
乞食養父得麤則自噉精者則奉親晨夕問安必垂手正立父便  
溺必親承接父嘗語人以自喜潔芳幼有孝行父歿當隆冬時藉  
薄草卧地百口不知凍母年八旬篤疾在牀溺器糞踰皆進承傾  
瀉不假妻僕手時有樵子尹元元者鬻薪養母有儲錢則購肉以  
奉而已常枵腹傭力得食以精者奉母麤者自啖又有農夫辛元  
善者父老癯病思食烤肉典衣買進同治七年大饑穀物踊貴日  
治感饌奉父而以賤價詭對父乃歡然下箸事繼母亦盡心曲奉  
父喪在殯地忽大震家人皆奔出元善伏柩長號曰兒在此父勿  
驚房壁尋外傾柩竟無恙

甘肅新通志

卷七十四

人物志

孝義下

三

張育剛秦州人同治回亂父集勳爲賊執育剛哭趨賊營乞以身  
代賊感之即釋其父而繫育剛密室以千金要贖一夜賊將移營  
命盡焚室屋育剛奮身一號所坐土炕忽陷遂從炕門蛇行而出  
炕門狹小固不容人身聞者以爲神佑焉

屠狗兒秦州東鄉白石峪人郭映江州東鄉街子鎮人同治三年  
三月回賊至峪父必全老不肯出避命狗兒速去狗兒泣不聽怒  
驅之卒不動賊至先刃其父狗兒以身遮護受刃創十餘與父同  
死映江父貢生士選陷於賊映江與弟映炳挺身往救賊刺映江  
傷一目縛映炳而釋其父後以布贖弟同父子皆得生焉同時有  
袁海者瞽母劉爲賊獲與弟湖瀛環跪請代賊釋其母而三人竟  
皆遇害

烏 奇秦州人賣油爲業雖幼穉亦不敢欺某年臘底有盜晝入



其室持其錢匣去奇尾其後過市中無一言漸至城外僻地奇左  
右視適無人於盜後長揖呼之曰子因歲暮困耶我送汝鑰匙來  
矣盜驚顧捨去奇仍呼之曰子來可持錢去盜尙疑之奇遽用匙  
啟匣鎖呼盜展衣襟受錢數掬而去明年奇在家前盜錢匣者忽  
持錢千餘送還且感謝奇即偕至酒肆與之飲終不受其錢其人  
遂改行爲善云

劉選元字青峰秦州人道光己亥副榜咸豐初孝廉方正性孝友  
因食指繁議析產讓伯兄分獨贏慮弟姪輩不從以大義動之皆  
聽命同治初回亂作奉委辦東關防務勤慎趨公協羅軍糧事辦  
而民不擾後署平涼縣教諭未逾年即告歸值歲饑竭力賑恤及  
卒家用不足反從親友貸粟舉喪葬子肯堂字子法光緒己卯舉  
於鄉歷主柳湖南安襄武原皋諸書院講席課士有方見稱當事

甘肅新通志

卷七十四

人物志 孝義下

三

生平與物無競然跬步不苟頗能自立云弟廩生禹堂爲名諸生  
子兆瀛光緒癸卯舉人

吳西川字蜀江秦州北鄉廷揚孫也同治庚午北關舉人辛未成  
進士改官編修居家友愛忍讓其伯兄澗川以豪侈破家西川事  
之彌謹終身無怨言撫養諸弟親教之學諸弟既長反顧索貲產  
西川盡以世業付之自取圖書數事而已聰慧淹雅工文善書篤  
於朋友故舊不以才學先人在詞館以疾卒士類惜之著書見藝  
文目錄

劉 灼字見三秦州人性謙謹篤於孝敬父卒時灼適抱沈疴既  
聞聞之痛哭投床下者數次水漿不入口母反復泣諭始進飲食  
遇母有不懌長跪請故俟復悅後起中年精方術視疾先貧後富  
雖盛暑嚴寒弗避七旬後目漸蒙有問方者口授孫輩書以付之



晨夕炷香默誦金剛楞嚴各經並講說丹桂籍合家人環聽之遇貧寒加意賙恤值朔望令節祖父諱日必具衣冠肅拜迄老猶然年八十有五卒子光祖丙戌進士刑部主事

丁世才秦州人九歲失怙後娶王氏夫妻事母皆孝敬母臨終謂曰墓閒荒涼夜來怕人丁對曰母勿慮兒當伴母葬之夕負杖出城家貧不能爲廬曠野孤身衣雪餐風拱立墓所終夜誦經天明方歸又作糊口計凡百夜邑孝子朱煦齋聞而嘉之爲講說于義漸知書後精醫術子亦入學

磚窰某磚工逸其姓名秦州人兄弟二人相口角往酒肆閒對朋友剖白是非弟曰兄自來作踐我兄曰當汝一兩歲時吾抱汝懷中或架諸頂上汝溺水滿我身時我便作賤汝耶其弟聞之忽失聲哭叩頭請罪兄弟遂相好如初

甘肅新通志

卷七十四

人物志

孝義下

十四

關 鏞字虞笙秦州伏羲城人同治庚午副榜里居授徒成就多人性至孝家貧啖粗糲而奉親必甘旨親歿喪葬盡禮生平一介不輕取遇生徒貧者輒贖其脩金戚鄰有急必量力扶助之里人或有小爭得鏞剖決輒解光緒戊寅歲大饑奉諭委辦伏羲城賑務必公必勤里人至今稱頌之年七十卒子念毅由進士官四川即用知縣天培舉人

張思恭字壽臣秦州西關人同治癸酉優貢早失怙恃每逢佳節輒動哀思終其身如一日依兄處友于彌篤同治中回亂作襄辦城防善恤民情故人樂爲用城獲保全嘗首輸軍糧以爲衆倡值歲饑又施粥以濟平居杜門謝客惟主事任其昌來訪則款接講論終日初就教職既卒選崇信縣訓導孫鳴珂庠生成其深秦州北鄉石佛鎮人性篤友于教弟其高習武歸營扈保



至花翎都司同治七年回匪陷堡其深率子鈴及姪齡出走中途度不能兩全乃舍子而挈姪齡獲免鈴遂被害後齡中光緒丙子武舉齡弟權食廩餼皆其深督課之力卒年七十四

李自正字子中尹達三字孝甫徐成章字斐然皆秦州人家俱貧嗜學善屬文爲名諸生其事母皆以孝謹聞友愛諸弟甚至學行並重一時自正舉光緒乙亥鄉試第二闈藝出人爭誦之達三中光緒乙亥副車登丙子鄉薦設教里塾從學者衆成章中光緒乙亥舉人識趣超卓三人赴春官均未遇卒士論惜之

王 庚字經五秦州北關人光緒乙亥副貢介節自持多義行嘗於清明日載酒醴徧祭荒塚謂係祖父親故不忍忍視凡鰥寡孤獨不克舉火者按日周濟之設帳數十年雖富家大族子弟必嚴加訓迪門下士成名者語及猶敬憚之

## 甘肅新通志

### 卷七十四

人物志

孝義下

五

陳鳳簫字韶九秦州寅木川監生光緒戊寅歲饑鳳簫罄家糧贍貧戶不足又轉貸繼之神祠焚毀者皆出貲修葺而宋家川鄭正萬家山萬秉廉兄弟亦以義行孚里黨正出己糧養堡衆至而月之久堡陷後一家二十餘口悉爲賊擄然皆歸無一傷亡者秉廉家法嚴正男女各守規矩一門四十餘口無一邪僻游蕩之人村人化之皆以游閒飲博爲大恥其勤而貧者秉廉皆散財濟之萬邦綏字撫卿秦州廩生七歲就塾聞先生講論語問孝諸章卽能辨詰深義年十九遭父喪哀毀踰禮未幾母以憂病邦綏衣不解帶者廿七日昕夕籲禱夢神許增母壽十年後果驗由是精治醫術後邦綏病昏沈累日忽狂言漢紀將軍來爲吾除病言已汗出而愈同治己巳州大疫邦綏日醫數十人所至全活時寇氛正熾邦綏兼辦城防當事獎以軍功不受而讓於兄象晚年尤喜讀



易深明象數堪輿之學平生甚惡鴉片臨終自具衣冠擇葬期語  
二子天德天喜曰吾世緣將盡爾惟以守分爲處世良方因索筆  
書一七絕詩而卒年七十鄉人私謚曰孝靜

羅廷士字濟生秦州附貢生事繼母寡嫂以孝謹聞伯叔祖無嗣  
擇本支謹厚者爲之後俾有室嘗輸貲生息爲雇役費子名其光  
光緒辛丑舉人陝西直隸州州同

葛挺生字荔田秦州人性孝友樸實明敏入庠後巡道姚協贊延  
爲子師禮重之光緒己丑 恩科舉於鄉會試報罷就鳳翔令張  
世英幕爲養親計踰年父病篤聞之星夜奔馳及至家而父逝已  
五日哀毀幾不欲生寢苦枕函飯粗糲服闋大挑二等選授環縣  
訓導在任愛惜士子教誨多方守正不阿學使皆優遇之數載卒  
年五十七

甘肅新通志

卷七十四

人物志

孝義下

六

張念敬字心翼秦安貢生慷慨好施康熙五十一年歲饑與弟祖  
敬各出糧百石以活鄉人

安處善字貞吉吳昭字義臺皆秦安人以篤孝得名處善由拔貢  
官鎮原敘論訓士肫摯以母在堂日夕望雲跂思旬日不得信卽  
皇然若失士子呼爲孝先生昭七歲失母哀痛異常兒事繼母尤  
勤恪晚歲援例得官以繼母老堅辭不赴乾隆後縣人舉孝行者  
又有廩貢趙思普及弟監生念普生員侯麟角思普官靖遠訓導  
捐俸重修 文廟靖士稱之念普善書畫麟角字公族積學士也  
王幼貞秦安庠生早失恃事父兄有至性父官渭南訓導幼貞隨  
侍父與之金錙銖盡寄兄曰兄主家我奚用此父卒官徒步扶柩  
歸朝暮奉起居盥饋如生時事兄如父嫂如母兄嫂未食不食也  
不幸早卒士類惜焉時又有縣人張懷智者於路拾百金追還其



主亦一行之善也

胡之璵字輝山秦安貢生官城固訓導少時應試秦州於賣餅家拾得百金立中衢俟其人還之其義氣多類此

蔡潮字來青秦安武進士官蘭州督標前營遊擊徵時以一馬一驢販糧爲生至某處見一婦哭甚哀問之則爲夫鬻以償負者也將負死潮以馬抵贖之驅驢返至中途驢又墜崖死潮無以爲計信步歸夜半至城門假寐聞人呼曰無路走何不去喫糧驚醒自念此亦生路殆神人指引也翌晨逡巡至家告其父遂入伍藉資應試獲聯捷焉

焦據德字敬斯秦安人商於蜀道逢遺金哀然盈囊乃攜諸店寓守候三日有單家川單姓者奔走汗液幾欲自盡據德迎而問之以失金對諸皆符合即以原囊與之其人傾拜分金以酬據德不

### 甘肅新通志

#### 卷七十四

人物志

孝義下

七

可請留姓名以誌恩則拂然竟去有三子長受植武庠生次受桓字瑞一乾隆乙卯舉人

何如璋秦安人幼有至性父好博璋旦晚供食維謹同賭者曰有兒若此尙與吾輩遊耶卻之璋既長負販起家嘗借客人康姓三百緡錢康回家而死十餘年其子復來璋具本息歸之其子以無據不受白於官卒還其本妻某氏長子出痘已危醫者曰必服葯乃有望重贖之前既好姑誤觸藥具傾倒無餘姑惶遽失措氏急曰姑勿驚但言兒已飲訖可耳須臾痘色頓好醫者曰盡力如是耶何氏子孫繁盛衣冠不絕爲秦邑大族

成鴻章字煥齋秦安人敦樸直惠有古人風嘗荒歲臘月暮夜於道邊谷中聞哭聲蹟之乃十餘歲女飢凍將斃且穢甚鴻章釋裘裹而負之跋山路六里餘至家救蘇歲熟後訪而歸之



竇 玉字崑山秦安人少赤貧備典肆誠篤勤謹嘉慶初教匪之亂肆夥皆去獨留玉看門戶一日傳呼賊至人皆慌懼奔城玉堅坐不出或問之曰我去如門戶何恐賊未至而肆已空是虛聲而實禍也且死生有命何必瓦全者獨在城中乎已而賊不果至人服其忠且智後家業日裕子二景翼庠生景儼同治庚午舉人孫毓盛秦安人嘗於糞壤中得金釧曰此必某官家物也恐有誣枉或關性命造門訪之果然釋其誣而還其釧某官感之又聞其勤於農乃多佃之田遂致富饒子孫登文武科者甚衆

王肇基秦安監生性至孝嘗怒其子罰跪久而不釋父聞之披衣操杖而往曰吾孫犯何法如此寒天半夜在地吾今爲汝替跪矣肇基不知所爲委地叩頭無數曰兒不得活矣扶父至卧所視之寢遂跪其牀前久而不去父遣之則曰兒此番罪孽不比尋常父

甘肅新通志

卷七十四

人物志 孝義下

六

容我連跪三日夜不知可以消折否父復慰遣之乃出私跪門外又潛跪已房中凡三日夜

馮星明秦安人隸兵籍嘗與同伍奉差於龍山鎮時新韭方出共釀醪爲饌馮遽起取其一盤叩首而供諸棹曰君等食吾奉吾母也衆迂而笑之既而同伍有回城者託候其母母與語曰目前晝坐忽似睡見吾兒奉韭一盤來食之甚美既醒猶有餘香叩其時卽獻韭時也

王無名李居心秦安人逸康祿魏八姓宋三倉皆北鄉人無名極貧而孝身衣百結所得皆以奉母同治中負母逃賊母在背呼謂之曰兒亦有命何活此龍鍾爲無名不語奔益急至堡前置母使自入而持刀赴路衝侯賊至與戰連殺三人中槍子而仆猶強起斃一賊乃死廉祿母節婦也賊至其莊母使速逃泣曰阿母數十



年茹苦撫兒兒忍棄母獨活乎強負之出俱遇害居心入廷三倉亦皆負母逃出與母同死而崔家河崔朱纓者負瞽父避賊被斫至死猶手握父臂也

洪家秦秦安人同治初回變作度鎮城不可守負其母張氏避居四稜堡繼又避居清水縣城未幾鎮城陷妻馮氏並眷屬入口死焉長子潔次子烈俱從賊營逸出及賊圍清水急秦又負母攜子逃往黑墨溝堡雖艱險備嘗卒免於難人以爲誠孝之報

李復興秦安人同治二年二月擊賊勝歸間父被執復馳往救護身被重創猶發烏槍斃數賊而亡而薛李川趙艾齡陳家灣陳作舟其父皆先死於賊艾齡覓獲父屍憤罵遇害作舟求屍得之一慟而絕碧玉鎮童生雷醒遠則入賊中覓母受刃死也

李保安秦安人年近五旬始生一子某早逝弟婦王氏年二十

甘肅新通志

卷七十四

人物志

孝義下

九

六歲撫孤守節同治三年秋避賊保安與家人抱子姪且攜一篋內有數十金行至中途度不能兩全擲金棄子獨負姪遠逃賊至家人以金獻賊母子亦俱免於難

王世昌字卜五秦安人幼事親孝及壯慷慨好施嘗倡議建煖泉堡捐膏腴地爲基址督築既成復治守具費皆一身任之同治七年賊來攻堡世昌勵衆守禦歷二晝夜堡中被槍死者僅武監生王大儒農民王三狗餘皆無恙值歲大祲爲粥以濟飢民全活甚衆小試不利援例報捐州同銜而次子誥三子論暨孫顯謨俱入邑人八以爲積善之報云

安維嶽字霽峰秦安庠生幼承庭訓自塾歸必親奉盤匱父母昆弟不食不先食世居神明川年十二因兵荒廢學一日隨次兒維峻負米過南郭學舍門聞讀書聲相對涕泣旣而慰見曰他日得



讀夜以繼日可補此蹉跎兄聞而唯之越二年兄寄居舅家從外  
傳已則農務暇仍從父讀兄每自城歸即以所學就質月下盤桓  
每至夜分或達旦母嘗嬰疾纏綿牀蓐維嶽親侍湯藥晝夜不離  
側並手滌溺器家人請代之弗肯如是者半載母病尋愈時諸兄  
多在外諸弟尙幼養親事一身任之光緒乙亥入邑庠而次兄已  
發解送別時涕泣不止兄曰勿爾無惹老親悲有弟在吾無內顧  
憂次年鄉試維嶽盛薦不售歲試舉優行旋因積勞致疾自以不  
得終養病革時語二親曰勿薙兒髮以示不孝之罰他日兄歸當  
告之以戊寅二月卒遺孤二長甫三齡次僅週歲妻薛氏撫孤三  
載以憂勞歿母鄧氏撫兩孫次殤長成立名琦附貢生

李 灼字華亭泰安人質魯嗜學入庠後從武威舉人魏賢儒學  
孜孜不倦賢儒器之同治庚午舉於鄉母歿廬墓三年服除選授

甘肅新通志

卷七十四

人物志 孝義下

三

靜甯州學正卒於官

李鏞西字靜山泰安人候選都司性寬厚而才幹練十二歲即能  
服父兄之勞遇戚里婚葬不能舉者慨然以身任之凡所施予一  
遍輒忘初無德色尊重師儒延課子弟列膠庠者多人修理廟宇  
城垣道路倡捐至千餘金同治間回亂作籌餉辦團前後捐輸統  
計七千有餘遭歲大荒死無所歸者概施棺木有仁厚長者之稱  
王 塋字子厚泰安庠生性喜施與以長厚聞借貸者踵錯於門  
率如願以去有鄉人某爲子求婚因數金不具將中止塋聞而與  
之金戒勿登簿後其人來償固卻弗受同治初回變作塋首輸巨  
款以充軍餉及戒嚴守陴者皆露宿塋率家人煮粥餉軍又令子  
姪分番巡城稽查勤惰城賴以全遭歲奇荒設粥賑饑親族姻戚  
量爲餽遺並令其子弟就食於家全活甚衆建宗祠置祭田朔望



親詣行禮迄老猶然五世同堂卒年八十有八子孫入庠登科者  
多人次孫濟光緒己丑進士江蘇即用知縣

劉效渠字乙青岳錦江字蓉舫皆秦安人效渠性慷慨重義氣回  
匪之變甘疆事急慨然曰地方之事不自任之將誰護乎遂投筆  
事戎會西甯辦事大臣豫帥督糧隴南一見器許委以軍火局務  
效渠殫竭心力終事無誤豫擬保奏力辭終藍翎五品軍功錦江  
初司糧臺收發繼襄辦甘南總局務復奉道札往伏羌專理軍糈  
既訖事邑令程履豐諭令司馬營監轉運事役無留滯鄉人傾之  
最後委辦善後事以公正見稱以勞績保選用縣丞加五品銜辭  
不就

楊潮曾字淮川秦安人天性誠篤與同母兄繼曾異母弟紹曾皆  
有聲庠序兄性揮霍所費不貲時累及弟潮曾無異言而事兄益

甘肅新通志

卷七十四

人物志 孝義下

三

恭同治庚午中副車署理大通縣訓導培植學校士林翕服後以  
老辭歸主講本邑書院河湟軍興辦理城防事治而人不擾鄉人  
德之晚年選授華亭縣教諭到任逾年卒姪廷勳字竹樵少時家  
貧爲人傭書以養親暇輒手一卷吟哦回亂平卽入庠後隨潮曾  
送考平涼而潮曾適病且劇廷勳私禱於府城隍願減己算益叔  
父壽潮曾病聞知之曰汝恐子不壽汝有子孫顧不願汝壽耶相  
對泣下試畢回署數月卒廷勳偕潮曾子友元扶柩回籍其篤於  
親屬如此卒年七十一子可貞庠生可訓廩生

高 超字子拔弟楷字子端秦安人均例貢生幼失怙母孫氏教  
家嚴不如意輒加杖責兄弟跪爭受杖母爲之感泣釋怒及長朝  
夕相依服必一色食必同席閨門之內妯娌和睦永無勃谿聲兄  
弟俱樸誠接人謙退如不勝衣子孫化之率循恭謹回匪之亂



先後捐銀巨萬粟數百石鄉團客兵俱資給發地方得以無恙晚年兄弟鬚髮皓然猶怡怡如初邑人稱爲二難超子三楷子一孫輩十二長名爵庠生

成 适字少伯秦安人性至孝讀王哀傳感喟流涕人有自議其親者輒變色起曰此何言歟爲之不懌亦不復與語光緒己丑舉於鄉累上春官不第母歿事父飲食必親自烹飪以進務適父口成本素封或勸其輸貲入官以未能事父焉能事君對父卒廬墓側兄弟間友于亦篤後署大通縣訓導逾年告歸卒

蔡同慶字丞伯秦安人布政司理問銜蔡氏有世德同慶亦以任恤爲己任同治初回變作城防籌餉同慶嘗輸助後獨力創築一堡光緒間河湟亂作附近諸鄉民皆得避亂其中里人重其義名曰積善堡同慶既捐金三百助軍糈又出粟百石賑飢民全活甚

甘肅新通志

卷七十四

人物志

孝義下

三

衆鄉人爲刊頌德碑秦晉賑案復慨捐二百金曰天災流行凡吾力所能到必不敢有所吝惜邑令嘉其義行委管義倉積穀以時出納遠近悅服同時管義倉者又有待詔銜高耀申字望嶽家本素封值庚子旱荒出積粟減價平糶爲富戶倡貧者賴之先後遞管義倉如遊擊銜張效仲監生高繩祖均以公慎見稱

王永盛秦安人家貧甫十歲卽能竭誠事母及長益孝敬同治間兵荒頻仍奉母甘旨無缺里人咸異之母嬰痼疾卧牀五稔永盛屏絕百事躬侍湯藥頃刻不離左右至夜按摩脛膝輾轉扶持往往達旦不寐目盡腫憂思無計乃每夜焚香禱天願減己壽以活母淚泫泫下著衣成血寒暑迭更呼籲彌切母病尋愈永盛亦若再生後母以壽終哀禮兼盡既葬廬墓側朝夕饋奠歷三年鬚髮俱白年七十有五卒



趙大勳字特生清水白沙鎮人少孤且貧未克遂所欲爲後家漸裕遂於族內設義倉買義田立義學遇疾病婚葬多方補助雍正八年邑宰張某詳請獎給七品頂戴

張仁恭溫自裕皆清水庠生仁恭母歿父不再娶潛請父友婉勸乃續娶左氏仁恭竭誠奉養愛敬如生母母所愛憎皆先意曲體士林以爲難能自裕亦善事繼母爲鄉人欽重論者以比王祥劉涓子

楊祖震清水人治家有禮法尤慷慨好施嘉慶十七年歲饑祖震在鎮設粥廠一月飢民赴食者日千計以捐賑勞績議敘布政司理問銜子附貢兆麟亦孳孳繼父志道光甲申甲午歲連大荒兆麟先後傾困賑濟貧民多賴以存活又捐錢二百緡爲書院膏火費知縣陳墉爲勒碑記之

甘肅新通志

卷七十四

人物志

孝義下

三

楊天澤五品銜監生祖震曾孫也六世同居邑人善其家風同治回變作天澤傾私橐築堡鎮北之高阜製兵械儲火藥率里人共守之七年大饑出家粟減直平糶又借給貧戶食糧秋成後蠲息收本食德者尤衆云

汪起甲字蔚亭清水廩生家貧嗜學藜藿不充晏如也母李性嚴正起甲先意承志恪恭子職數十年如一日鄉人稱其孝

王錫田清水副榜希曾之父也性至孝因家貧廢讀書藝與妻文氏終年勤苦盡所入以資奉養父以詩酒自娛錫田必備甘旨博親歡里人慕之謂其曲意順承得養志之道

增生李天培營丁蔡金貴皆清水張家川人天培業賈好義當初立學堂時籌款維艱天培子暢遵遺命捐金千兩邑令袁範上其事准建坊旌表金貴性倜儻投効戡軍以奮勇歷保副將銜光



緒戊申假歸省墓爲本鎮暨鄉堡各立義塾捐銀千兩作束脩費  
事 聞亦准建坊

庠生雍緝文字熙堂貢生王增選字韻梅皆清水人緝文幼孤事  
母孝以明經設教於鄉講學以倫常爲要邑有學品者多出其門  
增選守正不阿學行爲一邑宗仰少受業於族祖獻夫之門族祖  
母老而貧增選迎於家與其母同寢食事之甚謹歿後歸殯如禮  
士論韙之

成汝玉清水耆賓天性孝友有三兄皆早逝汝玉奉親恤嫠竭力  
不懈子全入庠食餼循謹自持有父風

安文蔚字霞軒清水人五品軍功急公好義不避嫌怨勦辦城防  
殫竭心力後籌學堂費倡捐以爲富室勸爲衆論所翕服

劉文傑字漢三清水人性剛直嗜讀著書頗富尤好古人忠義事

甘肅新通志

卷七十四

人物志

孝義下

三

蹟考察必周光緒乙酉拔貢旋領鄉薦禮闈歸適父病親侍湯藥  
目不交睫者五旬餘每夜籲天願以身代父卒哀毀骨立茹素三  
年未嘗入內服閩邑人重其品薦主書院講席文傑教授先器識  
後文藝從學日衆未幾母歿哀痛如前後大挑得安定教諭到任  
講經課藝無虛日士林咸推重之

紀 瑞字輯五清水增生性耿介急公好義凡地方大興作必賴  
瑞董其成又精岐黃活人甚衆年逾八旬童顏鶴髮步履康強衆  
以爲大德之驗

監生王君佐武生黃齊賢皆禮縣人君佐嘗隨父遠行偶在後父  
爲賊縛追及請命情詞懇摯賊感而釋之父好施與君佐承父志  
族黨以急告者皆周焉康熙雍正間捐貲助軍需修營宮先後共  
數千金乾隆七年又捐社糧百石巡道給匾獎之齊賢當教匪擾



境時有防禦功給六品銜嘉慶丙辰後四逢饑歲各出粟二百石助賑捐穀輸義倉數亦如之子八人三貢於鄉二舉武闈二入邑庠中子大奎道光中以武進士探花及第授乾清門二等侍衛君佐同時有增生沈爾繡者亦以賑貧蒙獎齊賢父建德嘗填學宮坑窪地工踰年始就邑人亦盛稱之

劉士麟字靈一禮縣庠生處己儉約至遇貧民則濟急解困焚積券施義塚善行不可殫述子三長濤乾隆癸酉拔貢歷任岐山甯夏教諭陞涼州府教授次溥三淑皆 恩貢生

呂都甫楊殿祚孟懷君皆禮縣人以孝行先後獲表都甫九歲時值繼母病即能勤奉湯藥病篤輒號泣不食年三十餘母復大病常入山採藥山多猛獸都甫所至皆避去輕財樂善有施必稱母命殿祚少喪父事母純孝知縣章士款爲表其閭懷君事繼母如好賑貧濟困受施者皆歡曰此孝子賜也

甘肅新通志

卷七十四

人物志 孝義下

五

趙國珍禮縣橫河鎮人同治八年賊破鎮南堡國珍與父母相失轉徙入北堡父毓靈旋被執罵賊而死賊執其母暨幼弟至北堡下國珍見母之抱弟被繫也噉然大哭自投堡下幸不死匍匐至母前請賊執己而釋母弟賊感其孝遂釋其母與弟而繫國珍別室明日縛至堡下索贖弟國棟贖以二騾母子三人竟皆全

崔蓮峰字船藕禮縣庠生性嗜靜家雖殷實處之澹然而施濟不吝道光閒邑薦饑先後傾困周濟同治軍興所居蹇家堡被陷賊徒大呼曰勿傷崔善人家凡婦女附崔氏家者皆免

馬 恭禮縣人性慈惠同治軍興時師旅饑饉恭捐軍糧外出粟數十石賑濟貧民製匾以酬焉



寔利仁趙文渙皆禮縣人同治初賊攻堡衆棄堡而逃利仁負母出避賊獲欲殺之利仁泣請以身代賊俱釋之行未數武又被執母謂曰兒速逃母以我累汝利仁曰母生兒生即不幸母子俱死可也賊衆歎曰此孝子賢母也殺之不祥遂釋之母子皆全文煥當堡陷時負母出走假冒瘋病賊執之問此答彼賊曰此瘋子也乃釋之母子亦俱全

王懷美字純庵禮縣大潭里人幼失怙事母孝母教之嚴稍怠即折椽斥之及長以母年高棄讀就耕尙勤儉家致小康好施與鄉中有爭訟者就質即和解之捐貲立義學出義糧以爲規費遇荒歉屢次賑濟鄉人德之

張文藻字郁若禮縣庠生性忠厚不慕榮利早失恃事繼母以孝聞待兄弟推解不吝嘗設帳於鄉裁成士類尤多人皆稱之孫仰儒早列賢序

崔體克字靜軒禮縣庠生性孝友和平忠厚樂善好施善書法設帳授徒成就多才沐其教者至今稱焉

董正誼禮縣人同治六年賊攻堡梯垣突入父自泰與壯士梁肯堂等巷戰而死正誼奮入賊中擊斃數賊以報父仇力竭死之

郭味兒禮縣賣粉者也幼失怙以小貿營生然常爲母置甘旨味兒則衣履不完也每晨將出輒向母叩頭歸亦如之其母持家嚴稍有不遂即嘖然味兒戀戀膝下作嬰兒狀或故奇諧其辭冀博母一笑母輒爲解頤母又素苦濕熱脛骨閒隱隱作痛味兒憂之或告以瘞道旁枯骨當可就痊從此黎明即起攜長鏡徘徊墟墓閒雖嚴寒盛暑未嘗懈母歿呱呱而泣勺飲不入口者五日逾年味兒亦卒



秦濟系徽縣庠生家貧傭書行尤卓犖夜拾白金四十兩旦往其處待失金者還之更不受謝官吏爲表其門

庠生何其濂徽縣地壩里人嘉慶四年教匪入境濂侍父疾賊至挺身衛父見殺父竟得生時有庠生張兆泰者守母喪不去父亦老疾賊至父子俱死之

李景膺徽縣庠生事繼母至孝繼母後喪明扶持益謹嘉慶初隨村人避寇山砦鄰舍夜失火延燒茅廬景膺躍起負瞽母走三十里不顧其居是夜風急左右舍糧儲什物皆燬盡獨景膺廬中一物無損人以爲孝感所致先是有庠生王祇者亦以善事繼母著名母歿葬祭皆遵禮而永甯鄉張澤治家有禮法子文彩至元孫榮五世同堂殷家溝殷天厚子法庚至來孫克昌六世同堂子弟皆循循規檢鄉黨欽重焉

甘肅新通志

卷七十四

人物志

孝義下

三

庠生楊超字禹臣貢生王宏業字子建素徽縣人素以篤孝知名超父病寢褥燥溼皆手易之好施與治家嚴整卒年八十餘子欣榮際榮友于敦篤能爲鄉黨解紛宏業敦行力學而久躋場屋恆以不能顯親自咎妻李氏亦孝敬父母或怒夫婦皆長跪受責待色喜乃起父歿廬墓三年晨夕拜跪母卒後遂終身居墓側邑令欲請旌再三懇辭而止

劉鎮國徽縣武童同治元二年間髮逆疊攻其堡鎮國父顯祥蒼戰不卻賊斫斷其臂骸鎮國奮勇救父力竭俱死之又有楊天敘者父三復率長子天相巷戰移時刀折被害天敘見父兄之亡也握拳擊賊亦死焉

尹聚財劉謙皆徽縣人聚財事親孝親病躬侍湯藥衣恆不解帶親歿三年不出墓廬謙嗣伯父伯父卒事嗣母如所生事寧曲體



親心養葬皆以禮創修家譜爲敦本睦族之計同治五年公舉請旌學使賜匾文顏其廬是年同舉者又有韋顯章汪世興劉登明顯章侍親疾夜不就枕年踰五十猶依依膝下世興親病不離側居喪哀慟感人登明孺慕終身年臻上壽語及親恩則猶泫泫泣下也

武生張行五貢生張恕皆徽縣人均好義樂施同治光緒閒縣再饑行五捐糧一百四十石助賑恕捐莊基一區創立義學出錢百緡爲經費輸糧數十石入社倉每年春月稟縣請禁止毒魚獵鳥者知縣李某顏其門曰爲善最樂同時有附貢張尊五者捐錢賑階州震災巡道署匾旌之咸豐中有州同張尊五者亦疊次捐輸軍餉制府亦獎匾額焉

何保勤徽縣紅渠鋪人同治七年回賊攻堡堡陷保勤父如善血戰移時將卻保勤奮力護父未幾鬪死其姪豫才天德亦從祖父叔父俱死

張翼如徽縣庠生父思敬有品學翼如克奉父訓父歿偶有過必向父墓跪而泣曰不肖過矣爲之搥胸自責其至性懇摯足以風世云

任治國吳義章彭瑞俊馬乾元皆徽縣人治國母患痰疾醫藥無救潛禱於神割左臂肉烹湯以進母服之頓愈義章食貧業醫得醕貨悉以供母母有所嗜雖艱遠必爲購致居喪哀毀人不忍見其容事叔父如父叔歿代其子營葬如禮瑞俊晨昏省視進退唯命是聽母患目疾數年晝調治夜侍奉扶掖摩拊歷久彌勤乾元鞠於祖事之竭心力懋遷所得悉以奉衣食祖老失明率妻奉養出入扶持維謹



張從龍兩當武生也性和厚持家勤儉有餘則以周親戚鄰里同治初髮逆陷城從龍一家殉難者二十餘人回逆擾甘南各州縣籌軍餉甚急從龍捐錢五千餘緡七年大饑鄰里告貸者皆如願以償

周順泰兩當人其先由四川遷居縣北鄉太陽寺之任家灣父心文因野豬害稼習火槍發多中同治七年回匪猝至糾鄉鄰得七人扼要路禦之槍斃悍賊數十人旋落馬藥丸不繼死之七人皆戰歿順泰力耕事母以孝聞光緒丙申夏母胡氏染疫疾兄弟侍湯藥衣不解帶者四十餘日醫罔效勢甚危順泰午夜焚香禱神割臂肉煎湯以進母疾頓愈年八十三尙強健邑令某上其事請旌以榮之

王尙志字子成兩當人幼業儒窘於衣食因輟學治生勤苦所得

甘肅新通志

卷七十四

人物志 孝義下

完

輒分窮乏嘉陵江之雙河口當要道每年水漲涉者輒被陷溺尙志捐貲造舟並輸經費行人以便回亂起各屬籌軍餉尙志輸巨金更不邀獎敘同治七年歲大祲大府撥賑糧於秦州尙志以迫不及待出所儲雜糧數百石濟之存活無數縣倉燬於兵火尙志倡辦常平爲各堡勸又經理社糧收放以時貧民恃爲緩急前後宰邑者賜樂善好施匾額以榮之

王尙序楊枝壽趙斌皆兩當耆老而爲名醫者也均孝友和平尙序年八十四枝壽年八十六斌年八十九齒德兼優林泉適志爲鄉人所欽慕



階州直隸州

明卯應辰階州人垂髫知孝母卒哀毀踰常廬墓三年飲食服用皆純素每食必泣涕嘉靖間御史臺遣使慰問旌其閭

卯孝子階州人父溺投江負屍而出碑在城北光緒十一年州守葉某建坊額曰孝行可風有竭力一朝光史冊流芳千載振綱常之聯以旌之

喬 挺成縣庠生性至孝總角時即知定省鄉人譽之父母歿泣血骨立三年不出戶窺園旣葬廬墓每日負土積冢時有白兔繞其塋有司聞於上賜之冠帶邑皆以孝子稱之

李 晉文縣貢生任宜陽主簿事孀母以孝聞及終哀毀過情祭葬如禮三奏闕下告陳親節得建坊旌表人稱其孝子思忠性亦純孝途聞母訃一慟幾絕水漿不入口者七日哀毀骨立三年如

甘肅新通志

卷七十四

人物志 孝義下

三

一日以此抱恨終天朝夕不離父側依戀如嬰兒人稱有父風

魏 瞻階州人家貧鬻飯以養親親所欲必竭力奉之親歿廬墓三年未嘗返室

徐應麟階州貢生年未齒以孝聞親歿哭泣擗踊水漿不入口者累日幾疲斃復甦葬後廬墓三年蔬食飲水而已

楊 忠文縣人其父爲賊所執挺身赴救父得脫忠遂爲賊所嚮殺聞者惜之

李碩馥文縣人性至孝父歿三年不出戶庭斷酒葷哀毀如一日事母備盡孝養舉德行

武 邑階州生員事母杜氏極孝雖片脯卮酒必得親歡母年耄邑年耆母顏稍不悅即作兒啼狀母見之歡笑如故學使旌閭曰孩心未彫



劉加猷階州人家貧年未艾母疾篤醫藥無資號泣於天百拜禱之願以身代郡守聞而嘉之上其事以旌表

蘇 藩成縣人年甫三十妻亡不再娶或勸之藩曰娶妻為後也業有子矣復娶何為子身居室四十餘載非禮不行教子課孫一堂五代鄉族稱為義夫公舉鄉飲免其雜徭壽九十三歲

王 賢字西軒階州人年十五喪父事母以孝聞家貧棄儒商吳楚閒累致千金性豪邁喜施予有貸貸者貧莫能償則焚其券里中搆訟遇賢輒解人高其義或遊梵寺聽老衲話因果或坐市塵述前賢往行勸戒里社子弟年八十六卒

劉應奇階州人奉母至孝未嘗一日離左右後以鄉貢母命北上時母年八十六端坐而歿及應奇還依柩臥苦泣血三年竟成錮疾遇一異人服藥一粒而愈人以為純孝所感云

甘肅新通志

卷七十四

人物志 孝義下

張 振文縣人萬歷貢生居家孝友為諸生時屢舉德行醫得家傳活人甚眾

張自謙文縣耆賓淡泊自守與人未嘗有疾言厲色或人有犯者一笑置之孫其光仕至龍茂兵備道

葉見陽文縣布衣家徒壁立安分無營循循雅飭古貌古心累舉鄉耆不受冠戴享年百歲人謂天酬其德

李 朝成縣國子生性孝友嘗赴京廷試為父置鞵一雙回籍身先父卒家人以鞵殮經宿忽甦喚家人曰此鞵實為父置奈何與我可急去之言畢瞑目遠近莫不驚愕知縣某上聞旌獎

韓登俊文縣恩貢自國學歸因父母被番焚殺申氣卒

王 澤同谷農家也六世同居一門數十口共爨邑令上其事蒙旌表



李王官者成縣東里人也名失傳夙好義有劉公佐者志期進取  
值會試北上無貲李聞之以數十年苦積錙銖五十餘金傾囊以  
助劉感謝及榜發果登第擢御史臺後巡按山西延請李至任所  
待如戚禮贈數千金堅辭不受劉乃劄署爲王府供奉官回籍時  
縣令蕭某欽其義於萬曆四十四年爲題其墓曰李王官之墓

國朝

路遵皇孫珍趙懷胡趙福聚皆階州人均以善事繼母著名遵皇  
三事繼母極盡色養康熙年州牧某請 旌獎珍年十四歲事繼  
母許愛敬備至母病篤珍焚香祈禱願減己算以益母壽後許卒  
父恐珍遭嗣母虐不忍再娶珍知父意泣請鄉鄰勸父再娶遂娶  
曹氏珍事之如一康熙年州牧某請 旌獎懷胡事繼母以孝聞  
又愛異母弟不啻同胞福聚事繼母極孝雍正年州牧某並請  
旌獎

甘肅新通志

卷七十四

人物志

孝義下

三

袁展烈階州人孝親友弟州牧某請 旌獎

沈如淵西固人家道素裕慷慨樂施厚德著聞同治初回匪倡亂  
洮岷等處逃難者多留於家而飲食之嘗往田間於山路拾得洋  
藥丸百餘兩訪失主如數還之失主感焉豎碑於門書拾金不昧  
四字

劉 昌西固人少時傭力供養雙親以孝謹稱及長愈加誠敬親  
年老昌亦漸衰作嬰兒嬉戲狀以娛親鄉人至今稱之生一子未  
弱冠入邑庠

楊廷翠西固人父早逝母嬰疾躬侍湯藥不離左右衣垢必親浣  
溺器必親滌年五十猶依依孺慕鄉人論孝行者必首述焉子二  
皆武庠生

周 洛文縣增生家貧事親備盡孝養鄉里咸敬之



郭峻文縣生員早喪父竭力奉母及母卒哀慕號泣三年如一日邑令旌其門

周雲程文縣庠生少孤事孀母承顏悅志凡事盡禮孝養鄉里咸以孝稱

王悟文縣貢生母歿柩在堂同村夜火悟恐母柩不免跪而慟哭願以身殉忽反風滅火鄰舍皆成灰燼惟悟廬無恙遐邇咸異之以爲孝所感云

呂生陽文縣庠生性至孝母歿絕葷茹素朝夕哭拜繼母張失明會病篤委曲調養人咸以孝稱

劉仁文縣貢生母早逝父繼亡事繼母孝分爨後弟妹俱貧仁以舌耕所獲助之寡慾嗜學長吏之庭足跡不到晚年好靜決事多奇驗嘗語門下士云不愧屋漏爲無忝存心養性爲匪懈以此

甘肅新通志

卷七十四

人物志

孝義下

三

自修兼勛同志三舉優生無疾而逝

呂宗彝文縣乾隆間貢生性孝友有才識幼失恃怙撫諸弟成立俱聲震鄉校敦本睦族品重鄉評

監生韓獻臣武生薛潤皆文縣人獻臣好義輕財家法嚴肅嘗補修玉皇觀魯班橋鄉里咸敬之潤坦易近人好善樂施薦紳稱之子建勳亦善繼父志

張培棠張縉皆文縣生員培棠家夙貧食指甚繁勤於治生二老甘旨無虧諸弟藉以成立閭黨稱之縉性剛果嫉惡如讎鄉有義舉恆慷慨助之故婦孺始畏而終慕焉

韓鈐文縣貢生張輪元增生也鈐孝友克盡閑靜和平年七十餘每接後進彌形謙謹鄉里敬之子秉潤克紹家學輪元性質直工醫活人甚衆嘗以太素脈決人修短十不失一



關騰霄文縣生員性和介樂善好施嘗慮盤道水冲北關特築石隄十餘丈禦之乙亥山水漲溢賴石隄以免人咸服其先見

袁煥章文縣廩生性孝友篤於宗族學問博洽樂善好施寒士恆受其惠創立碧山書院煥章之力居多城鄉皆推重焉

張春和文縣生員行誼端正軍興後邑多差徭春和潔己以勸鄉民樂輸邑合咸器重之

韓國宗文縣貢生舉孝廉方正敦行立本樂善好施邑合旌其閭曰行爲士表

張臨文縣貢生父歿哀毀骨立竭力營葬祭必兒嘯數十年如一日事母先意承顏子八人皆成立出仕者三

張澄文縣生員幼失怙堂叔撫爲己子未弱冠又失恃澄業圃以佐讀入庠後嗣母趙氏失明澄親奉飲食並爲捫強滌溺器三

甘肅新通志

卷七十四

人物志

孝義下

三

十年如一日宗族咸稱其孝

任清士文縣庠生家貧事母李氏能曲承意旨晝教讀夜紡績以供甘旨始終無缺有司上聞以至行同欽旌其閭

陳繼昌文縣掾吏事母以孝聞合學慕其行公舉請旌陝甘學政以南陔養志旌其閭

王履中文縣生員嚴毅有智咸豐末羌番之變邑多大徭役履中勸民樂輸供支邑合賴以集事鎮羌寨係文衝要承平後半就傾圮履中督工修築卒賴以守禦並施衣食以賑難民全活甚衆卒之日遠近爲之悲悼

陳善繼昌子也年十二生母徐卒哀毀如成人祖母鄔見之悲泣不勝善恐傷祖母心輒僞喜以慰之自此依依祖母不離左右從未與羣兒嬉以觸祖母怒既入塾刻苦自勵工詩賦明易學兼



通算術祖母及父歿負土爲墳並修遠祖墓二十餘座時甚貧獨力爲之不以諉諸族人光緒初由廩生公舉孝廉方正歷任秦安古浪兩當環縣訓導後奉 旨入祠建坊著書見藝文目錄汪景聖字泗澤成縣人幼穎悟早通經史性孝友父坎卒於官以阨時勢露柩岐陽哀毀骨立者三載事諸兄終身無懈容康熙乙酉選入太學任涇化教諭當事嘉其能教屢設鄉學致仕歸里以餘俸給族貧寒者

呂 綸字子綬成縣人雍正甲辰歲貢性篤天倫尤克恭兄家植柰比熟兄未及嘗已不先也持身廉峻待人必以忠厚鄉里號稱長者著書見藝文目錄



慶陽府

明高 雄慶陽衛人正統間兄通販淮鹽久絕音問雄方窮冠遍訪江淮閱數歲始知兄爲鹽徒陳景諒所殺具控江都令諒賄囑公私不得理令以利誘之曰汝兄既死盍相解和雄不從竟坐諒死得兄屍歸葬鄉人義之

衛 鏞慶陽衛人舉正統六年鄉試長鬚偉幹面如冠玉力學修辭不愧前人事繼母最孝鄉黨以純德稱之

涂 詳慶陽衛人舉景泰間鄉試父卧病三年詳躬侍湯藥頃刻不離日夜籲天願以身代及父歿晝夜哭泣哀毀骨立勺水不下咽期月而死有司名其坊曰孝子門

魏大用慶陽衛人早歲喪父孀母卧病七年大用躬侍湯藥無時少懈及卒哀毀哭泣喪明廬墓三年負土成墳在衛城西原畔三

甘肅新通志

卷七十四

人物志 孝義下

三

皇人指爲孝子墳

高世美慶陽衛舍人充庠生父玉賈於雲南三年不返及聞其沒於旅邸世美匍匐萬里負歸葬焉鄉人哀之

王 良慶陽衛人良方在姪父恭遠出商販莫知所之及長貢入太學遂辭母覓父所在徧歷江淮忽夢老人曰何苦遠遊汝甯爾父在焉隨至汝甯果遇時父年八十餘不能歸良盡鬻衣裳備輿而還時稱王孝子

錢 經慶陽衛人早孤事母撫弟以孝友著宗族鄉里無閒言死之日士大夫以及閭巷無弗痛悼者

倪 斌慶陽衛人襲指揮父病醫藥罔效每夜焚香告天願以身代割股和羹父果瘳人謂孝感所致

劉 英甯州人年二十八始奮志讀書晝夜不輟三載登成化甲



午鄉舉秉性正直嘗出粟救荒全活甚衆以親老朝夕奉養不仕  
李 恭甯州人慷慨好施成化中大饑恭捐粟千餘石賑本州及  
真甯民全活甚衆州牧旌其義

道 泰環縣人登成化鄉舉任山西太原教授蔚有文名士皆師  
之陞晉甯知縣以親老歸承歡備至人咸稱爲孝子云

劉廷燧甯州人正德閒鄉舉事親最孝及沒廬於墓側三年妻妾  
不使饋餉

趙 璋環縣人事親至孝母卒廬墓負土值大水家產漂沒毫不  
爲意卒終三年每夜有野雉伴廬而宿人謂孝行所感嘉靖閒詔  
旌其門

楊來鳳安化人事親以孝聞父歿年已逾七十哀痛七日不食及  
葬廬墓三年事母朝夕不離至白頭強爲壯容娛母母壽逾九十

甘肅新通志

卷七十四

人物志 孝義下

三

人以老萊子擬之嘉靖閒詔旌其門

楊雲鳳字應祥安化人太學生爲汾州吏目以清幹聞爲人儷  
好施予嘉靖戊子歲大饑雲鳳與弟雛鳳設法全活頗衆丙午邊  
事嚴急南關居民數萬人一時爭入門有死者賊退雲鳳倡率居  
民請於官捐貲築城不期年城成郡人賴焉己酉大水暴漲南關  
居人漂沒殆盡獨雲鳳一門無大小得登前樓免患人以爲陰德  
所感

趙一夔安化庠生嘉靖己酉秋大水南關居民漂沒殆盡夔爲人  
所援得登岸聞母已溺復投水覓之不得俱死有子方數歲亦同  
入水忽於波浪中得渡人謂孝感所致

蔡 蕃慶陽人少有文名父病扶掖起居奉侍湯藥未嘗離側初  
授甯國丞有政聲以母憂復除費縣陞大甯令民有去後之思歸



隱於河西圃每入城市見其皓首龐眉人爭從之不愧者德

康 錦慶陽人世襲千戶有膽略敵寇邊將至城下錦單騎往探之遇敵前鋒即短兵突擊身被數創卒能拔歸母歿哀毀骨立又念祖父陣亡三世皆寄殯各邊特匍匐輓歸葬即廬墓側負土築封踰年親友以錦衰年乏嗣強之歸不從其忠孝蓋天性云

李 澄環縣人母病二年雙目俱盲求醫百方罔效澄自檢藥書得羊肝補目之說乃日以羊補不若以人補遂焚香告天刺脇割肝一片和羹以進母食之一夕病釋雙目復明澄亦無恙人謂至孝感神呼為李割肝子杲以恩拔佐獲鹿忠蹟在獲鹿志中

李 棟澄之子早失怙母罹夙疾百治弗效因建孫真人祠朝夕泣禱後夜夢一道人來醫病果愈

荀 錡環縣人天資孝友大節凜然嘗督修庠序慨出己資以助有司重之與列鄉飲事嫂節婦周如母待姪志仁若己出德義著鄉里

張 經合水人三世同居經益敦孝友賦性慷慨年饑輸粟賑貸歲熟貸者償之不受人目為義士

曹 瀛甯州庠生家貧至孝父死京邸不能舁歸徒跣負骨而還樵採奉母母疾篤泣禱潛割股和羹以進母遂愈士民公舉州府表其門

王復古甯州人七歲失怙母年二十五守節撫育稍長奉母盡孝母嘗患頑瘡百方罔效幾危古泣禱自割股啖母旬餘大愈母享年八十四

董八紘甯州人貢生父歿廬墓頂土築墳後母病篤紘額天求以身代偶遇一僧望氣投餌母飲之吐塊如石而愈覓僧竟不知所



在咸服神異督學旌其孝

傅 偉甯州人母久病目瞳反背貧不能延醫哭禱於神自割股肉假湯藥跪進病頓愈瞳睛如初

陳志聰甯州人親沒廬墓三年手掬土成墳鄉里重之

強不息安化人節孝傳家親沒廬墓於河西樊家坪負土三年未嘗少懈天啟丙寅欽賜節孝雙全碑

楊維勤安化人節婦強氏子事母至孝博物洽聞經史過目終身不忘家貧授徒藉束修奉母雖身無完衣而事親必極滋味

方允德環縣人庠生性至孝敦睦族黨尤尚氣節賙貧乏曾焚券百紙遇難堅守孤城死之

李 萃安化人廩生父病祈禱求以身代闖賊破城力戰被執大罵賊義釋之創建義學造就邑中子弟鄉人感其德著書見藝文

甘肅新通志

卷七十四

人物志

孝義下

三

目錄

仇傳香真甯人中庚午鄉舉事親至孝朝夕定省四十年如一日父病五載日侍湯藥父減粒則己輟食嘗糞以驗其輕重居二年喪哀毀骨立事繼母友兄弟內外無閒言

王心民真甯廩生侍繼母病吮癰嘗藥寢食俱廢人皆稱之至敬兄如父尤世所罕有

楊光才甯州人事親以孝聞嘗遇失金投河者詢其數以二十金對才出己囊償之明末歲饑捐資賑粥全活者衆督師洪承疇餉匱才以豆二百餘石慨助王師督師義之旌其門

栗有恩甯州人性長厚嘗出粟救荒不留餘資郡士大夫稱重之州牧屢延鄉飲固辭不赴揚督師撫賊神一魁等恩慨以身許質於合水賊義之拱手以降當道屢旌其門



朱用賢字蓋齋甯州人生員事繼母撫幼弟助人婚葬周給貧乏嘗焚券百餘紙倡衆捐資砌南門坡城南河橋董建文昌閣勸人爲善至老彌篤年八旬無疾而逝路誥焦鈇俱眞甯人親沒廬墓

楊儀鳳慶陽都御史綸之子父病革時適弟朝鳳以侍御官南儀鳳朝夕侍湯藥籲天求代及沒哀毀不欲生以母命始稍啜粥孺慕終身

黃 梅慶陽府生員幼失怙恃伯父撫育成立梅事伯父母孝敬無閒言

劉 儒甯州人廩生四世同居人以張公藝稱之

楊光柱甯州人明末屢遇奇荒俱出粟賑貸人有負債貧不能償者焚其券三百餘紙負債者咸德之

### 甘肅新通志

### 卷七十四

人物志 孝義下

罕

王 僖甯州人明末大饑斗粟三兩僖貸粟數百石以活人不計其償

閻鳴陽字文瑞甯州人精通經史善屬文孝弟謹樸親睦族黨尤好施予賑饑恤苦常罄囊囊垂老甘貧毫無怨意學使旌其門

王 訪環縣人因兵馬缺糧捐米豆五十石兵丁得食大獲全勝將領官給銀二百五十兩堅辭不受有司旌其門曰義助軍糧

李 芳安化人李自盛家僕主既破家寄食於芳芳事之愈謹適賊有仇芳者執其主縛之且曰我得芳乃釋芳主遂毅然赴之主還芳見殺

國朝王天寵安化人雍正乙卯拔貢事親有孝行乾隆二年建坊 旌表鄉里稱之

黃 源安化人庠生讀書明大義舉孝行乾隆十年建坊 旌表



楊維元安化人事親色養備得歡心沒後廬墓三年不御甘旨乾隆十三年建坊 旌表

蔣 成字文若安化人歲貢性孝友晨昏侍側儼若孩提父母沒茹素終身不入內室日卧柩前寢苦枕塊無間寒暑邑令嘉其至性舉鄉飲正賓後任秦安訓導

朱宏量安化人習小藝餬口事親孝年二十五父患背癰醫治不痊宏量割股以進病遂愈迨三十四歲母患疫疾亦割股食之病愈後父母沒每夜守塚號泣風雨無間母在時於除夕人日心多恐怖值是夜宏量必赴墓誦經達旦其至性篤摯如此

李綿祉合水性端介言笑不輕至承歡膝下則婉容可掬親怒跪而受答復笑語自若補弟子員家貧無以養躬耕北山之麓歲署執爨嚴冬負薪不少輟母病祈以身代嘗藥舐穢衣不解帶蠟

甘肅新通志

卷七十四

人物志 孝義下

望

雖繞身弗知也及沒哀毀骨立寢於父所口不茹鹽菜者三年

李 曇合水人增生兄嫂相繼沒長姪亦夭家甚貧遺幼姪方四歲曇撫養成立臨終召戚友籍家貲與己二子三分之嘗云吾恐有不堪見吾兄於九原者

謝建南合水人與弟式南各生一子俱壯歲喪偶遂不復娶兄弟同寢處有長枕大被之風建年八十七終式少三歲哀號不已亦隨卒至今尙三世同居無間

何東鳳合水人學行兼優孝事慈幃隱居奉親終身不倦

郭永豐合水人貢生官陝西知縣自幼以孝聞兵燹後兄弟均故豐愈孝敬父歿廬墓三年堂兄永貞深友愛豐亦致敬不衰四世同居

姚成儒環縣庠生事親先意承志家貧父嗜酒每食必備母痰疾



三年躬親扶掖藥必口嘗居喪泣血水漿不入口者數日乾隆二年准給六品頂戴

胡 紳字大縉環縣人廩生耿直爲鄉里所敬憚人以許邵月旦目之色養二親曲盡子道及相繼沒廬於墓側終喪而返性疏散屢困塲屋及長子龍金舉於鄉慨然曰吾有子入官吾行義矣卽讓貢於人徜徉山谷足蹟不入城市壽七十六而終

王敬之字維公環縣人庠生性孝友讀書力田以親老不試朝夕色養曲盡懽心母文氏年九十八歲安步健飯孫曾繞膝兩邀粟帛之賜

穆三益正甯人母沒頂土築墳廬墓三年

袁 臣正甯人康熙初村中崖崩壓死數人臣父亦被壓掘之不  
得臣繞土痛哭滴淚成血入夜大風雷雨電震地獨現臣父屍肢

甘肅新通志

卷七十四

人物志

孝義下

里

體完好人謂孝心所感

于 冕正甯貢生父亨吉卒於延安府訓導任所扶柩歸葬中途猝遇暴虎冕哭曰某本應飼虎父柩未葬死不瞑目祝畢虎竟去  
楊 亨正甯人年十五失恃事繼母以孝聞家貧每午餐必爲母設肉嘗與屠戶約斤肉分四次割屠戶知奉母輒多與之母病禱於神祈以身代尋愈母壽九十餘

先明顯正甯人事親孝遠近傳聞子品事顯益謹顯患胃疾多痰每唾涕必取而瘞之顯病多年日侍湯藥未嘗有倦容後其子孫猶循循率祖父行

楊 法正甯人幼失怙恃及長讀書至窮人無所歸旬乃擗踊斬衰追行三年禮年七十餘猶感感抱衿恤狀

鞏裔昌正甯人母沒年愈六旬猶捫乳哭如嬰兒狀



姬淑聖正甯庠生繼母不慈聖事如生母母亦悔過葬親後常攀墓木號泣邑人製軸表其行

趙 僥正甯庠生母病篤僥衣不解帶者六年母卒哭泣足不入城市僥無子買黃姓女爲妾聞其有夫即止不納亦不責償買資後其妻解氏竟育子

趙維柱正甯人性孝友父瓘年八十暑月臥病穢物皆親自浣濯事繼母如所生

趙維楷正甯廩生足不履城市教授生徒以自樂性峭直遇人有不善輒規戒之或有過則密相戒曰勿使趙某知也

李建清正甯人嘗入山聞母病急奔還猝遇虎乃祝曰容清看母畢願以身飼虎虎旋不見

姚乃述正甯庠生性慷慨鄉里有貧乏必賙給之族人待以舉火

## 甘肅新通志

### 卷七十四

人物志

孝義下

三

者數十家有積欠不能還者輒焚其券里人爲立碑曰惠族恤貧秦天府正甯人性淡泊處家寬忍五世同居和親睦族鄉黨德之姚乃慰正甯貢生胸襟灑脫不爲世累嘗言學者識得春風沂水纔可尋孔顏樂處家素豐樂於推解時以錢米賙給宗族歲饑則出其所儲濟貧乏

郭希泰正甯庠生好施子乾隆十三年招集流亡給以田地牲粟鄉里共德之

彭柱天正甯庠生父娶繼室者三事之俱以孝聞族黨有婚葬無力者皆身任之三縣村盜賊充斥往來者成畏途柱天乃聞諸憲司設立塘汛行旅始安

雷鳴夏字奇峰正甯人由歲貢官伏羌訓導任滿調貴德廳訓導請終養回籍父沒廬墓三年服闋歷任禮縣階州俱以德教並稱



左 麟甯州人父沒事母孝母病每夜焚香祝天願以身代嘗糞以驗瘥劇朝夕侍側衣不解帶者三年紳庶合詞請 旌

宋鵬鵠甯州人庠生至性過人會父病彌留思食鹿脯徧覓城市不得因深入叢山幾陷虎穴生獲麋鮮以歸父食之病愈色養承歡所需必得乾隆十二年 旌表建坊

宋恩成甯州歲貢生事親孝道光二十八年 旌表建坊



甯夏府

唐侯知道程俱羅俱靈州靈武人居親喪穿壙作塚皆身執其勞鄉人助者即哭而卻之廬墳次哭泣無節知道七年不止垢塵積首率夜半傳墳踴而哭鳥獸爲悲號

元趙那海甯夏人見元史事蹟未詳

明王綱字子文甯夏指揮綸之弟母喪廬墓足不履城郭者三年事聞宣德中旌表

安廷瑞甯夏監生自始祖安禮保至千戶廷璧與廷瑞六世百口同爨家門雍肅事聞旌表

茅貴甯夏人正統五年甯夏大饑都御史金濂請於朝設預備倉勸鎮人之尙義者各輸粟三百石以賑饑貴輸粟如數同時輸粟者有杜海朱禪焦原趙友德虞海韓寅黃銘葉榮孫俊穆顯葛

甘肅新通志

卷七十四

人物志 孝義下

星

謙陳祥張敬唐融管矩吳仲名並貴十七人俱奉勅旌表其門鄉人稱之

齊至道甯夏增生自祖生員齊敬父生員齊高迄至道凡三世同爨家庭雍睦詔表其門曰三世同居

吳遇甯夏人嘉靖庚子舉人歷任袁州府同知嘗出粟賑饑多所全活後聞變爲母棄官官著廉明鄉稱孝友

徐勇靈州人事母孝謹母年九十有四勇自少至老凡飲食起居未離頃刻鄉黨稱之遭劉東陽之變率守孤城兩獻俘馘其義行尤爲鄉人所倚重

趙誠靈州人奉繼母至孝母沒朝夕哭奠齋戒三年如一日著書見藝文目錄

李雲甯夏人父兄罹倅劉之害最慘雲以遺腹子賴母氏苦節



鞠成陞左參將奉母盡孝居官盡職尤熟練屯政致仕後當事委重挑濬渠工

陸國相甯夏棗園人昭信校尉養二親能先意承志父萬乾病甚衣不解帶虔禱於藥王服劑隨愈因力修藥王殿後在城聞母喪徒步馳歸哀毀骨立水漿不入口當時旱蝗惟國相所種數十畝無損人以爲孝感所致國相悉以所穫分貧里中貧者

萬汝義甯夏威武堡儒童隨父往田閒忽地震父驚倒不能起汝義扶父坐念母在莊內奔至家時大震不已妻子伏地見汝義號呼求救義不顧負母走甫出門牆傾俱被壓義妻及一子獲全殆天不忍絕孝子之嗣歟

萬人重甯夏人道拾鐵三十兩係旗甲張加義完官租之銀人重悉以付之

甘肅新通志

卷七十四

人物志

孝義下

吳

陳 謨萬厯閒中衛庠生與西安客孫尙義友善孫病故遺子尙幼謨撫之如己子孫子長將回籍謨舉其父所寄銀百兩米百餘石付之緡銖不染

李繼元字壽軒甯夏人萬厯癸未拔貢任山西和順縣知縣年老告休未回籍和順大荒繼元曰此顛連者皆吾赤子也今雖去位不得請何忍坐視不救遂傾囊中積約二千金糴粟捐賑邑人感其德立生祠祀之

于翼龍甯夏衛學生崇禎十三年侍母郝氏往張恩堡爲弟納聘途次乾河墩突遇寇掠劫財物傷同行者翼龍奮不顧身棄所攜幣帛以餌賊負母疾馳得免官爲給致身救母額表其門

賀天保字石泉甯夏衛人萬厯壬辰兵變遷居廣武癸巳廣武大水兵民三日乏食天保出家積粟數百石按口給散水落方止全



活甚多七年欽賜慷慨尚義額本堡鎮水寺亦繪像焉

王哲平羅人州判崇禎閒河淹邑南門赴訴撫道築隄阻水城獲全後濬唐渠除隱占革包攬邑人賴之

明三畏甯夏人明末輸粟三百石以助兵餉

國朝馬爾暉甯夏人順治丁酉副榜孝事節母王氏母終廬墓三年

馬中驊甯夏衛學生至性過人酷嗜先儒語錄每日正襟莊誦親喪廬墓三年

周調元甯夏後衛庠生年十四爲流賊所掠置營中賊復掠得子女數十人閉之空室令調元守之調元放之而身亦乘間脫歸事親誠孝寓館中有賊竊其衣物者知而弗言康熙三十年西安饑有馮畫者出外其妻爲父所鬻一日相遇夫妻對泣不忍捨調元出銀贖歸之

### 甘肅新通志

### 卷七十四

人物志 孝義下

三

康晉侯字相宸甯夏學廩生天資明敏年十三背誦十三經文詞典麗事親克孝曲盡歡愛康熙四十二年十一月初六日夜鄰街火軍民救火者行暗中若聞有語曰康氏孝友人弗可延及追火滅左右數十家並燬獨康氏宅無恙咸以爲孝行所感監收廳王全臣書孝格天心額以表其門

康元品字士一甯夏學生晉侯之子年二十二歲父亡母寡繼祖母尙在堂年八十家素貧品晝則負薪供炊夜則燃香照字後祖母患痰症不能起母氏亦老病目花兩世並偃卧床席間累數年品晝夜扶持爲洗曝穢漬始終無懈縣令夏武高其行憐而餽之辭不受鄉里稱之曰孝思不匱貧賤不移康士一有焉

王懋德字聿修甯夏人少孤貧有至性事繼母以孝聞年二十九隨大將軍岳鍾琪征勦烏魯木齊甚器之令佐幕府時陝甘兵丁



有應追賠鹽菜銀十餘萬兩自爲奏稿力請於大將軍卒得豁免  
凱旋議敘例補守備懋德以母病不忍離告改本省塘務終養生  
平喜讀史知大義取與不苟鄉人矜式

高樓鳳字桐岡甯夏人性安和寡言笑補弟子員一堂四世朝夕  
承顏後遭地震家盡燬一弟在襁褓中棲鳳一身經營喪葬不以  
顛沛故稍乖於禮爲文章沖和雅正卓然成一家言教授生徒多  
騰達後以詩酒自娛年四十餘卒

朱含章甯夏縣諸生其父以勞致疾含章百計圖治無效因割股  
和藥飲之稍愈後仍以此疾終含章憂毀而卒

劉漢華甯夏衛庠生奉事孀母三十餘年母以節著子以孝聞  
史振玉甯夏人家貧好義同宗有負官租者鬻子以償振玉捐囊  
贖還後此子又貧乏質子與人亦貸銀贖歸自養於家素精岐黃

甘肅新通志

卷七十四

人物志 孝義下

吳

不輕與人用藥嘗戒其子曰醫不可不學切不可輕行誤傷人命  
必有陰報卒年八十

劉 哲字幾先甯夏太學生事繼母純孝樂善好施親族有窮乏  
告貸者無不應亦不立券嘗於紅花渠灣買閒田數塊立義塚以  
葬無歸者又施棺木三年知府顧爾昌書慕義強仁匾以表之

周夢熊字渭陽甯夏縣生員父母俱早亡與兄同居家貧甚爲酒  
傭年二十七尙不知書偶爲無賴子所辱深恥之跪請於兄欲從  
學兄謂其年長再三請乃許之受業於廩生張坤堅志苦學八年  
雍正三年入學後事兄如父敬嫂如母妻歿遺二子俱幼不再娶  
鰥居四十餘年壽七十七

路廷詔字雲來甯夏府學生性質篤厚力學敦本事親孝友于諸  
弟因母孟氏患反胃疾廷詔遂棄舉子業潛究醫方一意調治母



疾竟愈有求治病者亦不辭貧者並資以藥不取值與人交恭敬和需卒年僅五十遠近聞者多涕下

袁大聰甯夏人農家子不知書年十八父得反胃疾臥床不起者數月大聰晝夜鬱懣憂形於色有農父戲之曰尋人肉食之則愈矣大聰即潛入藥王廟禱神割股以進疾遂愈

劉自昌甯夏人性誠樸事父母克盡孝內外無閒言

王家幹字介人甯夏太學生豁達有器識性孝友工書翰以癩症廢學而志不衰每訓子弟以遠大慷慨樂施予凡戚黨有匱乏者必量力周之嘗曰存心利物一介何嫌必待有餘終無濟日有親族人自中州長安來者皆爲安置得所老友戴興祖鰥獨無依養之十數年並送終云

李天篤字玉厚甯夏人太學生本世族中葉式微復以勤儉興家

### 甘肅新通志

#### 卷七十四

人物志

孝義下

吳

多行陰險嘗因小壩堡被焚賣衣物銀兩約三百餘金送本堡貢生王克鑑賑貸語之曰此某善會所積公物羣議以奉君施衆者也其不慕美名類如此

孫朝功甯夏鎮靜堡人豪俠尙義施與且遍鄰里挑改山河輸粟三十石臺司嘉之匾其門曰尙義寇陷其堡盡燬居人室廬獨朝功之屋不燬

張起鳳甯夏國樑次子廕生家居不仕乾隆三年地震平羌鎮北兩堡居民乏食慨然捐資賑濟感者作文以記其事書額懸堡內玉皇閣上

楊 郁字彬雅甯夏人任同官縣訓導事親色養父年老偶得淋症醫藥罔效郁痛父沈疴至以口吮疾遂愈生平未嘗爲人道郁妹丈馬之驥年逾七十亦得此疾謂人曰郁之孝行惟我獨見而



未嘗與人言豈隱人之善而自致此歎自是邑人始知其事益欽其孝乾隆八年旌表入祠

王之曾甯夏人由貢生任華亭教諭居鄉樂善好施敦本睦族鄉人仰德在華亭時捐俸修文廟華亭士人至今頌之

怡英甯夏衛學生家素封喜施子年五十無子其妻張氏亦年四十有七計不能復產乃買貧家子爲螟蛉撫之已二年既而聞其父母僅此子迫於飢寒而鬻者因慨然曰吾不忍絕人之嗣以爲嗣遂還之並焚其券次年其妻連舉二子長體天廩生有子四次法天把總有子六怡氏之宗自此昌大

李天申字玉福甯夏太學生幼孤事繼母孝及長事兄如父無鉅細必稟命焉至老未嘗廢禮處戚里猶敦任恤遇婚喪難舉者必竭力以勸之每歲暮量其貧乏各分財周濟焉

### 甘肅新通志

### 卷七十四

人物志 孝義下

季

柴梓甯夏貢生道光時爲當商慷慨好義每年施寒衣並施棺木有中衛甯安堡孩童宋培基遭繼母不慈流離至郡梓見而憐之收養令讀書後培基入庠食餼

呂聯陞甯夏廩生孝事父母問寢視膳數十年如一日咸豐元年舉制科孝廉方正

田腴甯夏附貢生父教甚嚴嘗中夜訓飭繼以詈罵腴順受俟父寢乃退事繼母亦孝

姚琫甯夏歲貢生回亂家人離散琫策蹇迎其繼母星夜奔馳望燈火投憩距里許如有鬼物當其前懼而他往乃賊巢也時盜賊縱橫琫母子或前或後卒未遇害人謂孝感所致

朱仁甯夏人同治四年回亂流離乏食將鬻弟既成言矣涕泣不已妻詢故仁曰弟去不可復得莫若舍子可再育妻泣而從之



後仁又生子一弟成立生子五

江來宜甯夏人署花馬池守備有鄭立業者幼定女妻童養於家女父竊女回定邊立業與孀母徒步往尋資斧缺乏來宜助之白金弁言於當道斷令女歸俾旋里

王曰琇甯夏 恩貢生同治回亂帶團勦除賊巢後赴慶陽請兵親歷險阻手足胼胝壬戌監修邑書院捐錢二百餘緡教讀寒家子弟不取脩脯通醫術以濟世不避風雨年八十卒

蔡奇詢甯夏人巡檢回亂後辦理城防善後以功獎藍翎五品軍功光緒三年大饑奇詢散米二十餘石活人甚多

周朝德甯夏金貴堡人捐貲修小新永興二渠人甚賴之壽至九十六

湯萬玉甯夏人家貧未娶母患癱症臥床三年自炊以奉滫瀡捧

甘肅新通志

卷七十四

人物志 孝義下

至

接便溺未嘗少懈

鍾 華甯夏軍功母十九歲守節年九十卒華朝夕承歡愉色婉容數十年如一日

許學禮甯夏增貢生光緒十六年捐錢四百緡修理 文廟總督某以冠冕士林額獎之後投効甘軍以功保直隸州分發山東未久卒

張 琮甯朔生員事繼母如生母母病扶持月餘衣不解帶疾篤至嘗糞以驗瘥劇

張 琯甯朔漢壩堡人曾爲山西定襄縣典史有幹才性孝友琯初有一子其弟琮有子四皆撫之如一自定襄歸里後建新宅四使諸子各執一業俾知艱難以相勸勉自以舊屋與子居凡地產生畜之類皆均之爲五琯晚年又生一子諸姪請更均產勿許康



熙二十七八年各堡荒旱飢者比戶旋傾囊賑恤全活無算鄉人稱之

曹進書甯朔武生母病久不愈進書戒葷酒侍湯藥晝夜不懈人稱純孝事諸父母亦盡禮

姜 泮甯朔農人孝事孀母飲食供奉未嘗少缺遇母怒必長跪請罪俟怒解命之起乃起母歿廬墓三年

吳監川甯朔歲貢生世居大壩性孝友有智識回亂避地嘗爲親冒險負米百里外數遇賊以計免賊退奉親歸菽水承歡親歿祭葬遵禮居鄉貸貧寒牛種助婚喪財貲解紛息訟鄉人敬之

吳天相甯朔武生南關外舊有關帝廟毀於賊天相命子弟募化重建不足鬻產并貸錢五百餘緡以助之

趙善慶甯朔武生回亂散米麥賑濟難民巡守滿城捐數百金接

甘肅新通志

卷七十四

人物志 孝義下

三

濟兵餉保藍翎千總後採買軍糧以功保花翎都司

陡維順甯朔人性好施常勸人喫虧鄉人欽敬壽九十二而卒

王 智平羅丁義堡人康熙六十四年值軍需歲歉民飢智出粟數百石以濟衆乃各安鄉井後智壽八十終嘗以積德訓後嗣長子貢生振英遵遺教檢其鄉里積欠銀穀券約千餘金悉焚之

田惠藍平羅西永惠堡人雍正間隨通侍郎開墾灘田決隄灌水民各有秋並築昌潤渠迎水壩退水閘鄉人稱頌弗衰

楊在甲平羅武舉任俠好義督修滿達喇渠排難解紛民沾其惠俞世隆平羅鄉賢俞德淵之父讀書聰穎家貧服賈父早歿事繼母至孝每從市歸則攜蔬釀博堂上歡後母終朝夕依墓側寒暑不輟子德淵恪敦孝友昆弟無閒言蓋秉庭訓云

張運顯田生桂李紹遠靳正德俱平羅人運顯侍父病衣不解帶



兄弟四人食則同席卧則同衾生桂父患痢嘗藥以進繼母色厲  
跪勸之怒批頰笑而受里稱孝子紹遠廩生親歿廬墓三年斷葷  
酒哀毀骨立正德孝事孀母孺慕弗衰

李廷郁平羅武生父服賈新疆病沒時郁年方弱冠徒步數千里  
尋父骸所在以紅布裹尸負還營葬人稱爲李孝子

江起鶴平羅貢生有學行好義舉同治初年回亂城被圍米珠薪  
桂民無固志起鶴捐資千金救民守城城賴以全

張珮吳雲梯俱平羅人珮縣署倉書同治三年兵飢無餉珮捐資  
千金以助回匪圍城雲梯捐資二千金有奇城賴保全

馬富邦平羅當商同治三年回匪決唐渠水爲灌城計水深丈餘  
城將圯富邦捐錢數百緡急雇人夫挖斷賊之阻水隄堰以洩水  
勢城賴以不壞至今遺蹟尙存俗名曰賊堰

甘肅新通志

卷七十四

人物志 孝義下

三

高啟芝平羅人母年踰七十患病思食芹羹時同治癸亥回匪充  
斥啟芝隻身往賀蘭山採芹回未嘗遇害人以爲孝心所感鬼神  
呵護云

楊文林平羅歲貢父母衰老齒落飲食非親造不敢進家貧甘旨  
無缺父母病湯藥必親嘗親沒泣血三年

常拴娃平羅北鄉童子同治間與父壽年同被賊執拴娃求釋其  
父賊殺父而釋其子拴娃見父遇害號泣罵賊而死

姚進福靈州惠安堡人居鄉樂善好施康熙五十二年歲大荒山  
堡一帶皆赴州領賑惠安僅產鹽無地丁不在賑例百姓攜持老  
幼赴兩日程至州既不得糧又乏歸路費羣情窘甚時進福商販  
到州哀其情代請於監收廳王某願以己房千金作質借官糧三  
百石散給無賑飢民某允其請語諸官官義之還其券並給義氣



可風區以旌又惠安居民千家食水惟城北二井屢爲黃沙覆壓進福捐資修浚桑梓永賴

冉光翔靈州人道光己酉拔貢事繼母如事所生凡事稟承無敢自專出入必告二十餘年未嘗少懈

王永靈州農民事親無忤色母歿葬後每朝暮必詣墓拜奠羹湯風雨無閒如是者三年

孫鐸靈州附貢生性至孝叔父建垣性嚴厲鐸亦先意承志每遇盛怒承順無怨尤友愛兄弟門以內怡怡如也

俞有靈州農民事父孝家貧甚每獲異味必以獻定省視問數十年如一日人以俞孝子呼之

孫翰垣字香齋靈州貢生善書法仗義疏財遇地方災患不惜重貲八世同居友愛無閒鄉黨稱之

甘肅新通志

卷七十四

人物志

孝義下

壽

張國棟靈州監生光緒五年奉諭禁罌粟不遺餘力愚民怨之積憤而卒州牧德某贈聯有直道公心之美

孫樹垣從九品銜桂三級武生俱靈州人光緒四五六等年撲捕蝗蝻勤勞自任州牧孫某同給急公好義匾額

王玉清回民許相字蓋臣俱靈州人光緒三十年各輸青蚨五百緡以爲建修秦渠龍王廟費州牧廖葆泰具詳總督升允各獎給急公好義匾額

鄭興基靈州花馬池人弟子員值年荒父爲虜掠去興基詢知父在板城隻身徒步趨父所板城在北口外道經山西時晉省大旱人相食興基奮不顧身決意長往尋至殺虎口得達板城父子相見抱持大哭見者俱感動有喇嘛僧憐其孝贈馬二匹銀十兩衣二襲令其歸興基遂奉父旋里



李宗儒靈州花馬池監生雍正二年旱荒山堡人皆約逃竄儒曰我家尚有粟三窖願與鄉里共之食盡同竄未晚也遂出粟救一方之民是年除夕夢一人偉衣冠囑曰明科汝往應試必中切勿誤醒而疑之及期勉強入闈果中二十四名舉人

郭鴻儒字子元中衛縣學生精於渠務疏濬唐漢屢著勤勞雍正初年開惠農大清兩渠鴻儒捐貲數百金又自備資斧効力三年餘欽差侍郎通智愛其才欲擢用之以母老辭

俞汝亮中衛鄉賢益謨子乾隆三年地震汝亮捐衣貲六千有奇贍鄉里奉旨補甯夏前營守備

周守域中衛鄉賢守璽之弟入武庠能文事親至孝親沒後猶撫柩極時時飲泣兄守璽卒時域年已八十扶杖撫棺哀號不已人稱爲有司馬溫公之風

甘肅新通志

卷七十四

人物志 孝義下

五

赫生連中衛監生少孤事母盡孝母疾忘餐廢寢親奉湯藥不懈至痊愈而後已母或適鄰家則追隨左右如孩提然道光十九年學使許某旌獎

趙瑞中衛趙翼村人生平勇於爲義有貧民張學顏趕驢馱錢十五千文過村時天暝錢被人竊去學顏窘甚瑞聞之引周易行人得牛邑人災也申明利害通告村人錢爲方神廟廟祝拾獲廟祝聞之即告知瑞遺歸學顏其感化鄉人有如此

白偉中衛廣武堡人布政司經歷銜堡有豐樂渠農田藉資水利逢春水漲多被沙淤堡人無力捐修偉獨力作閘以資疏濬名曰慶豐閘後渠水暢流共樂其利堡人泐石以紀

袁守義中衛拔貢生事親以孝聞光緒初母病醫藥不效守義竊剖股和藥以進後母病益劇遂不起守義終不言有問及者輒涕



泣痛飾之

周希濂中衛貢生性孝友爲人端方不苟光緒初舉孝廉方正士林謂希濂當之洵無愧云

甘肅新通志

卷七十四

人物志

孝義下

美



西甯府

明談 誠字則明西甯衛學廩生性樸厚好施與世居西川鎮海城  
崇禎十四年歲連歉誠以積粟五百餘石周濟貧乏先及本族嗣  
及鎮海再及西川由親及疏多所全活又施棺木衣袴一鄉稱爲  
善士

國朝祁肇周西甯人與周弟也父廷諫因計殺賊首賀錦被流寇至甯  
繫累而去與周盡破家貲買良馬百匹以圖贖父抵平戎驛哀丐  
不允反欲害廷諫肇周投首賊酋告曰殺賀者我也於父無涉賊  
曰孝子也且檻繫以行途中泣代如初父子俱得免

談經世西甯府學生員性樸實急公好義康熙十四年逆賊吳之  
茂遣僞將據河東蘭州軍營餉缺經世輸助五百金事平將軍王  
進寶奏 授其子生員談可溥州同職銜

甘肅新通志

卷七十四

人物志 孝義下

三

楊永華西甯人賦性仁厚樂善好施夏捨鎌鏟冬捨衣袴康熙四  
十一年歲饑道有餓殍華煮粥施醫藥毫無倦色收葬無主屍骸  
以千計市井中有貧不能葬者捐資瘞於所置義冢婚喪乞貸者  
應之並不取償壽至七十一歲端坐而逝其子太學生志遠亦克

繼父志

馬雲龍字御霄西甯太學生性篤孝友五世同居輕財重義樂善  
好施春耕散種貧者不取其值康熙四十一年歲饑米價騰貴出  
所積以濟貧乏全活甚多里有差徭龍獨任之設家塾延師課宗  
族子弟遇有鬪訟且善排解鄉人重之

賀增壽西甯永安堡人豪俠尙義和睦宗黨周急濟貧人多德之  
雍正元年逆夷羅卜藏丹津寇北川官兵赴討時天氣嚴寒增壽  
散給守禦兵皮衣三百餘件又捐大布二百餘疋縫袋盛土置之



城闈蔽賊矢鏃俾有所恃城得保全

張 達字文通西甯醫學典科性至孝孩提即知順親家貧藉習醫藥養親父患目疾達刺臂取血以致愈終不令父知雙親歿晝夜號泣不已葬親廬墓一夕大雨有四白狼咆哮至達弗懼狼亦不害人以爲孝思所格云

李良吉西甯人幼入黌序長選拔貢孝行素著閭里父病篤嘗糞甘苦以驗母歿廬墓三年恪遵家禮不延僧道鄉人有化之者汪和瑛字玉如西甯府學增生賦性樸實成童入塾攻書於聖賢問答孝道章研究體驗不遺餘力父素患目疾不遠千里延醫卒致疾瘳母以老病臥床不起親嘗湯藥床下侍立五十餘日不懈後得骸疾不能動履母歿匍匐送殯嚴冬廬墓不憚風雪咸稱孝子事 聞如例旌表

甘肅新通志

卷七十四

人物志 孝義下

五

張生根西甯沙塘川陶家寨人家素貧三歲父歿母蔣氏守節撫孤無貲攻讀遂以學藝度日生根性極孝雖業賤工於母飲食力致甘旨母足生毒瘡敷藥不愈生根朝夕以口吮之數日立愈母歿痛不欲生願以身代鄉里稱爲孝子事 聞如例旌表

柴自建西甯人年三十妻鄧氏故遺子宗續甫二歲別無婢媵誓不再娶躬親薪水茹糜訓子歷四十六年

祝得鼐西甯人早喪妻遺子奉祖甫六齡誓不娶妾以嚴父兼慈母之任撫教四十餘年如一日鄉人重之嚴國綱西甯貢生親病日割肉醫病遂愈

何克昌碾伯人生平重義氣好施予鄉里稱爲義士

李世運碾伯增生守備國泰子孝友性成遠於理學鄉里素重其孝行道光隄邑大饑世運盡出其蓄積小麥七十餘石賑濟戚黨



不取毫值

楊文義碾伯人品行方嚴和睦閭里周濟貧困年二十一娶妻李氏相敬如賓閱八年而妻亡念其賢淑雖家貲殷富堅不再娶亦無婢媵終始不渝年七十七而卒

陳煥聲大通人父歿母存年僅四齡家貧甚克致母歡後刈蔬得金孝能感天負糧逢劫盜賊不犯乾隆三十九年旌

梅生香大通人賦性孝友品學端方以教讀爲生事母極孝甘旨未缺妻魯氏敬主申饋善繼孝養生香卒邑令旌以孝子匾額侯廷槐大通人賦性忠厚事母至孝母歿廬墓三年略無倦容道光十年邑令旌其門曰孝子不匱年五十而終

李和裕大通人典當生理兼務農業道光間永安營在路失遺餉銀二千餘兩爲和裕所得出帖徧告後永安營官得銀重謝分毫

甘肅新通志

卷七十四

人物志 孝義下

五

不受贈拾金不昧匾額而去

哈俊英大通人素稱殷富同治回變本堡練團堵禦他處老弱來此避難者數百餘人每日飯食皆仰給於俊英鄰堡求糧必設法與之毫無吝惜厥子武生連舉遇光緒二十一年之變依然博施不改乃父風

王建基大通人早失怙母獲狂疾不時動怒輒撻之建基長跪領受母怒卽解奉母如敬神明孺子之慕終身不懈且復矜恤孤寡仗義疏財堪爲一鄉模範

賀存祿大通人幼嗜讀性至孝同妻子朝夕叩拜父母十餘年無少間里人重之

劉祥大通人重義輕財北川閭門坡路夏患泥濘冬患冰坎行者苦之祥捐貲以石條巨石鋪之車馬行人靡弗歡呼感激子義



善不改乃父風皆享高年以卒

權永豐大通人早失怙事母至孝偶扶母出游遇坎坷輒負而行里有不孝以大義責之鄉人無不敬服邑令旌其門曰孝道可風張連生大通人出繼於叔父年十三叔母使百里外作小生理往返徒步毫無怨詞後叔父病篤連生衣不解帶親侍湯藥飲食三年之久叔父病終叔母又病便溺不能自主連生不避污穢移濕就乾叔母臨終言曰吾有繼子愈於生子

李潤祿貴德人同治六年前署同知承順全家殉難潤祿於灰燼中檢出承順家譜負之入都告知同鄉御史吳可讀具 奏經陝甘總督左宗棠查明覆 奏 賜卹

王海珠貴德人回匪叛亂負母潛逃卒免於難

祁 榮貴德人侍奉叔母百計承歡曲盡孝養鄉里感動

甘肅新通志

卷七十四

人物志

孝義下

卒

王殿鼇貴德人家貧母老常爲人傭工博得升合以養其母極力承歡一鄉感化

王興隆貴德人性至孝母病朝夕侍側衣不解帶者兼旬每煎藥必嘗而後跪進母病卒愈

韓致中劉正倫俱貴德人慷慨好義周急恤孤鄉里並稱善人

趙聯甲韓泰童蓉鏡俱貴德貢生創立書院義學多方造士倡建學舍督修 文廟均有功於斯土

趙進暎魏進寶俱貴德人襄辦義學建立學舍並請增本地學額人皆重之

馬雲貴丹噶爾人嘉慶間耆賓年八十七捐錢六百千修城內三井及城外柵門十處

張莫川字贊禹丹噶爾貢生年二十四喪偶誓不再娶生平教讀



勤誨子弟好吟詩講學以終身卒年七十八

魯如列丹噶爾人性至孝每偕弟輩四人以木椅爲肩輿昇其父  
遺遊西甯府知府某見而嘉之賞給花紅頂戴鄉人稱爲孝子云  
靳寶慶字福堂丹噶爾人善排解同治回變以軍功保五品頂戴  
時綠營軍餉不濟城中議派房捐歲以爲常名曰官地租錢泊事  
平仍收租副將龔某誤爲營房按戶倍徵寶慶協同紳民具稟力  
爭之微特無增且又減去原額之半鄉里咸謂功在桑梓其子學  
書後保知縣

張翰奎字墨卿丹噶爾人同治回變任總巡事督勇防守至十年  
之久無稍怠家本殷富每歲籌給軍款甚鉅專取資於商民捐輸  
合計之翰奎一家捐款至萬餘千云

張蘊美丹噶爾人光緒回變襄辦團防錢糧常於每歲冬施捨寒  
衣三年遠方貧者皆至又修西石峽外繫馬龍橋以利行人捐金  
千數地方稱爲善人云

甘肅新通志

卷七十四

人物志

孝義下

奎



涼州府

明魯 麟字玉書平番土司人官南直提督恂恂有儒將風尤重士大夫語所親曰勿爲南人所笑洎致仕家居好義樂施建修學宮泮池捐助腴田百畝爲補葺費值歲荒散米麥千石周鄉黨急煮粥全活飢民甚衆人皆呼爲活我魯公

石韞璧字德輝古浪人宏治時廬庶母邸氏喪於西山下孤守三載猛虎入園者數終未遇害人皆駭異以爲孝感所致

孫奉先永昌人庠生朝夕供子職盡禮父母有病輒顛禱願以身代及卒哀毀骨立葬後廬墓三年

武登雲永昌人父病欲食肉苦無資遂割股肉以奉父病果愈

顧 言平番人事母彭氏墮菽飲水極盡其歡宏治八年母年八十有七卒言時六十有七以號慟而隕

甘肅新通志

卷七十四

人物志 孝義下

空

李 讓平番人性孝友與弟訓甚歡愛訓卒號哭逾恆父沒廬墓三年年八十一卒

孟希孔鎮番人萬厯元年恩貢生官山西太谷縣主簿泣任數月以親老告歸家居杜門唯以養親教子爲事

李養盛鎮番人萬厯三年拔貢官山西聞喜縣丞陞廣昌縣知縣親老告歸母年九十餘孺慕如初子憲儒孫士毅皆貢生

史宗範平番人父孔筆蚤卒事母盡孝撫姊氏孤女營舅氏喪葬篤於恩義一鄉稱焉

國朝郭懷德武威貢生素以孝聞父病親嘗湯藥克盡子道及沒廬墓

三年

張允澂武威監生居城北陳春堡置朱家莊一處價五百金允澂念窮鄉荒僻子弟多因貧寒不能學遂建義學捐其地爲義田以



所出租作東脩紙筆之資鄉鄰高其義刊立碑記

劉 英武威人業醫一日其子於路拾金白英英曰積金不如積德不可私藏須還之少頃邑庠生尹思任尋至英問其數曰八十兩慨然與之

邢國勳武威人母病篤割股療愈之 旌表

李居鵬字扶南武威人原任青家驛巡檢弟居鵬字翥南監生兄弟友恭事親皆孝謹嘗仿老萊戲綵意身自肩輿奉父游燈市父歿廬墓朝夕哭奠極哀甘涼道壽某給額表其門

張福緣其父山西絳縣人質遷於涼娶牛氏生福緣比長始知父元配留居絳徒步迎養以竹兜襯褥負之涼孝敬一如生母蒙旌表

封伯适武威人三房子繼大宗備盡孝道連居父母與本生父喪

### 甘肅新通志

### 卷七十四

人物志 孝義下

三

枕塊卧苦食飢粥不茹葷飲酒者四載如一日

唐 柏武威人年十四其祖母王氏疾醫藥不效柏暗割左股一片和藥飼之疾果愈後刀傷暴發始知鄉鄰報明所司給孫賢俗美額以旌

蔡 睿武威永渠老農性仁厚拯貧扶困鄉黨德之同填徐姓溝地勢欹側水漲卽潰流衆苦之欲市睿地開溝睿慨以地讓之不受值

張漢輔武威監生捐房二間地三石五斗爲張義堡義學之資申報給匾

馬 驥武威人鄉耆有德奉官諭修考院書院城隍廟之門學東東關門樓皆驥經理任勞任怨公正無私

楊增思進士白之潞生員陳琨理問劉丕曾廩生李奎標訓導劉



賡元歲貢陳映奎監生趙昇歲貢李宗義副貢陳珮州同楊培元生員俱武威人倡城鄉士庶捐三千餘金同立興文社以所入息爲鄉會試資寒士賴之事詳興文社碑記

張 鑿武威人雍正間松江總兵張君烈之子生而聰穎讀書過目輒不忘君烈鍾愛之而鑿善事父母柔聲怡色能得君烈之歡君烈有威重喜怒不可測鑿先其喜怒而爲之承以順適君烈之意君烈嘗謂人曰自鑿也爲吾兒吾有生樂矣年十一端謹若成人且奮於學詩文每有驚人語比年十三覲疾死臨死握君烈手哭曰命之修短誠無定在獨恨傷吾父母也君烈慟不可勝葬松江城外南方人士哀輓之作積至成卷川陝總督張廣泗爲題石曰孝子張鑿之墓

甘肅新通志

卷七十四

人物志

孝義下

齋

事思任實左右之及詰沒貧不能舉喪民感誥有德於渠將斂錢助之思任泣然曰吾父官渠數年不妄取民間一錢今受錢恐吾父魂魄不樂西歸矣卻之先是思任妻沒於渠權厝焉至是不克並發乃葬其妻以兩羸舁其父柩旁一羸載渠縣民爲其父勒德政碑搨本而已徒跣隨之由渠至武威凡數千里重山複水麻衣哀號若初喪見者傷之

朱振聲武威人少貧賣菜自給奉親備甘旨親沒叔父母無子迎養如所生既歿葬祭極哀乾隆十一年建坊 旌表

生員汪霖兩鄉耆党作霖生員劉培榮俱武威人各捐所典田地數石價入於公設立惜字會生員劉陞榮經理仍以典田起租爲焚化字紙費以所餘者爲鄉試卷資事詳本邑碑記

監生劉忠善醫學顧科王成基俱武威人倡四市並關鄉士庶捐



資千金設立積善會以所入息施棺木

何三祝武威人監生敦孝友睦宗族輕財好義恤孤拯貧乾隆三十年間嘗捐千金倡同鄉士庶於暖泉及黃四壩各建立義學集里中子弟延師訓誨閒有學書不成而氣血剛勇者又延武師教習騎射凡諸義舉至今嘖嘖人口

王曰慎字思仲武威人乾隆己酉舉人少孤母老失明曰慎館於城南太清宮無寒暑日數歸家就母卧中抑搔之或環左右嬉戲若嬰兒得母歡乃去兄子三益失怙曰慎教甚嚴而慈愛存於意表三益遂得蚤歲登賢書有令聞先是曰慎父行已析產三益既孤其家私皆由曰慎經紀及曰慎沒篋中藏有簿記凡於錢穀出入絲毫不相牽混始曰慎入陝應試同行某生病曰慎扶持若所親及沒曰慎取其柩以歸或曰周子蘭應鄉試時有同行者半塗

甘肅新通志

卷七十四

人物志 孝義下

奎

病沒子蘭歸其喪於家不赴考

劉 謚字百川武威人爲縣胥治刑名之學令賴以無廢事事親孝老而孺慕不衰游幕肅州時於常餐果蔬有鮮則持匕箸沈思良久曰吾家貧吾父當未嘗此也於是投箸不食坐客以爲偶然久之而謚於甘旨無不然聞者以是知其孝謚學於刑名時以妄殺人爲慮對爰書噓唏且反復把玩謂得母妄殺人吾父老矣不能生人爲父資福而殺人以謀生哉遂舍其業而牧令聞謚精於刑名爭相招致謚家又貧非治刑名無以養父以此再事刑名以終歲所獲館俸養其父父既沒不復業刑名矣謚嗜飲飲輒醉醉則喃喃語惟稱道其父且說且嗚咽至醉不能語而後己子墨莊嘉慶癸酉拔貢官甯朔教諭保舉知縣

王述典字惇五武威人嘉慶甲子舉人事繼母孝方其母之廢也



年猶壯無出因有去志述典曲挽之母時詬詈於室述典若弗聞知而愛敬有加述典妻閒語述典母不樂將奈何述典曰當殺之爾其妻錯愕曰咄母可殺乎述典曰母不可殺母豈可詛乎妻大感悟相與百計求母歡母行則述典環左右呼孃不絕口母坐則述典效嬰兒嬉戲狀俾母笑恆至失聲久之母忘子與婦之非己出也竟不願去門以內稱雍睦焉

張景福字介如武威人咸豐丙辰進士官西安府孝義廳何知歸時捐金以助文社

倫肇紀字協五武威人光緒庚辰進士官陝西華陰縣知縣罷歸捐三千金以助本邑文社及天梯雍涼兩書院

王幹才字子貞武威人光緒乙酉舉人事親孝與兄弟友愛同邑權尙綱之沒於京師也病歷三月幹才爲之延醫藥鑪茶鏞皆親

## 甘肅新通志

### 卷七十四

人物志 孝義下

庚

自經理尙綱病革時猶力疾爲家書囑其弟某云幹才朋友義氣於生死見之他日幸勿忘也及尙綱沒幹才爲請京師同鄉得百金經理其喪歷燕趙秦隴五千里而歸其柩於家衣物什器絲毫無損人感稱之

孫壽巖字魁軒鎮番人少失怙母孀弟幼家貧大父在堂壽巖孝養無懈子克恭克明俱以科甲顯壽巖樸素如常戚姪王克興父母相繼亡壽巖撫養之與己子同學肄業後登科官開化知縣

盧全昌字熙明鎮番人明驃騎將軍鑛裔幼聰穎工屬文而酷嗜學少失恃事繼母以孝聞嘗自憾不知醫以誤母病因究心於素問金匱諸書遂以醫名世生平以傳經課子爲切務教子甚嚴性又喜下士每值文人儒秀必改容禮以故物論歸之子生薰生華生蓮生莢俱見羣材



周維藩字翰若鎮番貢生文行俱優與人無忤父至德性嚴厲維藩曲意承顏父沒閉門課學既貢選教職奉調考驗因不逮養屢催不起年八十餘卒

姜兆璜字履封鎮番人父縉學問深博屆貢沒璜孝事繼母友愛少弟終身不衰年四十九卒屆貢沒與父若出一轍子鍾湄亦以廩生中年殞三世同厄人共惜焉康熙六十年學政某以孝友遺芳旌之

謝 鏊字文三鎮番人幼繼胞叔爲祠事之無異所生溫清抑搔既有以博堂上歡而敦篤天顯一切田產悉讓同祖兄弟族黨久以孝友稱焉性嗜學不倦弱冠食餼後貢成均爲文力追秦漢不蹈時蹊教人先行後文成就甚多爲諸生時同社戚友會文供給弗少吝有稱貸者悉焚券不責償晚由歲貢選隆德訓導以年老

甘肅新通志

卷七十四

人物志 孝義下

七

謝子葆霽猶子葆初孫集成集梧皆後先膺鄉薦葆訓增生葆春庠生

曹鍾英字文山鎮番人增生性孝友學問淵博兼精醫卜家貧設館永昌每歲一歸所得館穀悉以奉諸伯叔或分給諸兄弟自甘貧約而操守維嚴教人以敦本爲先堂兄弟十餘人皆師事之子之楷孫秀彥舉人

胡永達鎮番人負性慷慨尙義乾隆二十八年邑大饑民情洶洶永達赴甯夏從阿拉善王地方雇覓駝隻運糧萬餘石饑民賴以全活而柳林湖尤沾利澤邑令黎某給匾表其義行子岡齡監生往來搬運糧石亦多勤勞

閻毓芳字蘅州鎮番人乾隆五十二年歲貢九歲失恃事繼母最孝性恂謹嗜學工文設帳授徒凡族黨才可造就者不論東贖有



無罔弗開示蘊奧教學數十年多所成造後選長武訓導以疾歸卒於家子寶三尊三皆庠生

劉紹遠字致庵鎮番人咸豐壬子副榜好施濟同治回亂捐器械辦理團練七年邑大饑紹遠散賑家貯不敷又於甘泉南山馱運米糧接濟共散糧數百石全活甚衆

孫助策字奉書鎮番廩生篤於內行赴陝鄉試比期近母沒訃至或勸隱訃入闈助策大慟曰如此則大本已虧功名何取乎不試而返

馬理澍字潤天鎮番侑生在涼經商道拾錢券貳千緡坐路旁俟之未幾失主洵洵覓至理澍詢其數符悉還之同治閒回亂出資創修堡寨置軍械率鄉人防守雖溽暑隆冬無少惰以故保全甚衆亂平後里黨之談及者雖婦孺亦樂道之其爲鄉人所倚重有

甘肅新通志

卷七十四

人物志 孝義下

矣

如此者

魏聯奎鎮番生員父早亡事母至孝同治閒回亂負母逃難於黃沙窩賊至或勸之降聯奎曰吾以儒生而受 國恩豈折節於逆賊之手乎賊怒以刀斫項昏仆於地次日門下士偵知其事往探之其母在旁涕泣扶之項已半折幸氣管未絕昇至家調理傷愈奉母愈謹母卒哭盡哀

王 鈞字樂天鎮番人性慷慨同治閒回犯境出貲築寨製兵器賊至被圍九日卒未陷保全一堡性命平日遇戚黨乞貸皆如願以償無吝色亦無德容有數人負錢至千餘緡俱貧不能償鈞執券焚之戒子孫勿洩其事年八十無疾而終子開泰生員孫國麒乙酉拔貢甲子舉人

陳克孝字伯翹鎮番增生幼失怙事母至孝同治四年回亂克孝



出貲在下二東創築大寨製軍器守五日賊猝至川湖避難者不下萬餘皆得保全鄉人德之

謝日章字闇然鎮番人好施濟每逢鄉會試艱於貲斧者無不傾囊相助孫翰南甲午舉於鄉人咸謂樂善之報

謝毓麟鎮番人候選從九性孝友喜任俠遇事敢爲同治回亂親率丁壯防守時有採買協濟諸名目毓麟親赴酒泉詣左宗棠投狀諸弊胥除至督辦河工傳人均霑水利至今猶嘖嘖人口

黃壽年字仁庵鎮番人八歲失恃繼母喬撫育成立親老竭力奉養處兄弟相交愛生平不欺先是貸某商金三千積久往還債主失其券茫不記憶壽年爲之話其始末卒還其金同治間邑大饑壽年倡義請公家粟平糶又出己粟賑之全活者衆同逆攻城勢岌岌民大恐壽年激厲同志晝夜環守命家人執爨以餉守者城

甘肅新通志

卷七十四

人物志 孝義下

完

賴以保存

黃文蔚字曉嵐壽年子幼喪母哀毀如成人事繼母如所生有陝商吳某以債收毛姓鋪業計直三千金因與交善願以價之半讓其業文蔚曰歸我則肥一家歸公則贍多士急愆惠之卒歸文社爲鄉會兩試川貲及諸生膏火之費乙丑回亂城垣半圮文蔚捐貲二千金爲之倡并防守城垣歷十餘年未嘗少懈後以疾終伏羌王權銘其墓

劉秉裁字錦堂鎮番從九幼失怙事母至孝讀書有心得涉世東身以論語鄉黨篇爲宗教子孫皆循循有規矩後年八十八無疾而終

蕭光盛鎮番人輕財重義嘗賑濟貧民推田讓地里黨咸引重焉張興技鎮番人同治回亂衆苦無守禦地興技出貲築寨與衆避



賊後以協濟兵糧之故民困雜征興技多爲彌補寨內公款不給並貧民無力出賞者興技皆任之

馬翁義字萼樓鎮番人性好施與求者輒應無吝容鄉里有婚葬無力者皆助之同治五年回亂翁義捐白金一萬四千兩在縣東六壩頭道溝舍其田四十餘畝築堡寨遠近老幼絡繹來就者如歸製軍器募南山獵戶晝夜防守是年饑翁義又糴米數百石以濟飢者八年又散給籽種十二年賊復至適廣東提督張曜客軍從靈武過境翁義扣馬請留遂駐堡中賊聞之遠遁境內肅然生平與世無競處兄弟怡怡篤愛至老不少渝宗族戚黨皆稱爲善人云

張從仁字元甫鎮番人光緒乙亥舉人事繼母數十年始終承順無閒言待兄弟友愛篤摯尤善賑貧濟苦後官中衛教諭勤於訓

### 甘肅新通志

### 卷七十四

人物志

孝義下

七

迪孜孜不倦

趙陞俊永昌人庠生性孝友康熙十八年居喪不入私室廬墓三年衛將表其閭

魚名鯤永昌人廩生康熙五十九年捐資濟衆邑人義之衛將爲之立碑學問優長樂於引進邑人士多出其門

張丕懷素懷永昌庠生兄弟友讓敬事先聖先賢乾隆二年協力修補文廟

陳洪業永昌人監生樂善好施濟困扶危乾隆四年郡守某以義重鄉邦惠廣鄰里旌之

趙士學永昌人監生性仁厚慷慨樂施乾隆五年歲饑指囷給粟同里賴以舉火者數十家郡守某以周急君子匾其門子殿輔武舉殿鼂貢生



張紹訓永昌人廩生性孝友事父母能色養親病衣不解帶沒則廬墓泣血三年乾隆十二年旌表建坊

李琮永昌人儒童年二十歲母病割股乾隆十二年縣令某以匾旌其門農民李林如狄本熙縣掾陳瑛事俱同

張雲漢永昌人鄉耆河西堡設質鋪歲減其息三之一以利窮乏廿餘載未改荒年施粟捨棺人皆德之

趙元品永昌人庠生七世同居門庭雍睦其遠族孫繼美兄弟者幼亦貧品挈至家撫而教之後美入庠出五百金爲置產始遣歸居鄉敦厚有禮人皆敬服

張顯魁永昌人鄉耆性好施捨遇窮餓多所解推乾隆癸未歲饑且大疫道旁死者甚夥映魁惻然予棺木後貲不給則席裹昇埋之至修葺祠宇猶盡心焉

甘肅新通志

卷七十四

人物志 孝義下

三

杜經魁永昌人農官居永豐堡乾隆癸未歲煮豆飼貧者堡中得免於飢尤好人讀書同社延師代寒家子弟具脩費聞者皆高其行云

張爾惠字吉可永昌人貢生篤厚有文行事親孝父沒築室於墓哭奠三年

劉洽字樂山永昌人庠生居母喪盡禮既葬墓臨高阜穴而處焉三年始返

柴譽永昌醫士精岐黃求方藥者日踵於門父母相繼沒茹素六年未嘗至內室

句潤永昌庠生居嘗恤族調鄰不吝升斗有同姓諸生名文燦者窶無所依予之田宅牛馬俾耕以餬口及沒又爲之經理葬事焉文燦子不事生產逸去又爲之顧恤其家捐置里塾鄉人子弟



多所成就

梁浴生永昌監生世居永之九垣堡財雖不足以庇同里而見信於富家鄉人有饗殮不給及婚葬乏資者躬爲稱貸或有訟事務勸其息沒之日弔者擁其門

王國賓字觀卿永昌庠生事繼母孝母性乖婦孺稍不當意輒怒及國賓國賓倪首靜聽候其聲息然後敢退至有萬不可堪者亦順受之從未告人母年九十性如故國賓年六十餘事之亦如故臨終猶囑子姪善事其母云

李向榮永昌人自幼於親無忤色父協章家貧從人經紀性脫略四十而罷向榮弱冠業商以贍其家甘旨則奉親粗糲則已噍其父好策騫見所愛輒易置歲糜多金向榮早爲備任取攜而已值永日佳時邀數老與其父遊山水間又承命憐恤戚族善處幼弟

甘肅新通志

卷七十四

人物志 孝義下

三

楊聯甲永昌人官鎮番營遊擊以父年高辭官奉養父沒廬墓三年孝聲稱於宗族同治七年邑大饑多所賑恤光緒二十一年旌表入祠

喬鑄滋永昌拔貢同治八年大饑奉母命作麪餅以賑人

孫紹孔紹思永昌貢生同母兄弟也思幼時孔教之讀課極嚴思師事之恭敬弗懈後思年六十餘朝夕立於兄側如弟子之禮命之坐始坐不問不敢對

郭永慶永昌增生親族睦鄰性友愛有貧不能婚葬者多所成助鄉里中稱長厚焉

毛之銓永昌人年七十八兄年八十五事之恭敬畢至兄嘗怒罵則下氣柔聲不敢出一詞

王 某永昌縣商人失其名常急人之難無吝色時值新年有乞



者求食不得夜入王室偷二百金將行見旁有酒肉因一飽則睡熟矣王覺責之曰幸遇吾他則入法網矣問其情察其人非常盜者因以百金與之勸歸正外人無一知者其人至和闐服賈後大富歸以所有均分王王不受其人感德而去

謝鳳鳴永昌農人相傳爲舉人謝弼翰之後性孝貧不能授室常負其母就所傭者之家母八十餘口誦金剛經不倦逢婦女必以善規之光緒回匪之變南鄉燒殺甚慘鳳鳴負其母逃難卒獲雨全人以爲孝行所致云

趙維世古浪土門人處士性篤孝父母頗嚴急維世婉容愉色事之有過受杖則長跪而未嘗稍恚遭生母喪擗踊慟哭口鼻出血後事繼母一如生母及父卧病三載朝夕侍藥不歸寢室居喪哀毀如禮廬墓三年負土二里外累墳如阜繼母喪年六十餘哀泣

甘肅新通志

卷七十四

人物志 孝義下

三

如孺子乾隆十年 旌表建坊

王法統古浪人七歲喪父哀毀如成人事母孝母患眼疾法統嘗飯日止痛數年如一日親送便溺不避污穢盛夏扇枕席時邀鄰母爲母說故事母偶疾侍湯藥衣不解帶日不交睫視糞色以驗吉凶母歿哀毀骨立祭葬如禮道光十三年 旌表建坊

席世恩古浪人拔貢生事母孝清白傳家一門雍睦道光十九年 旌表立九世同居碑於道左

魯大誥字慎九平番土司性寬和好義置義田以贍宗族焚契券以免貧累又以郭外東南地水利不通輸金買沿途地修濬溝渠資灌溉者十餘里邑人共享其利

張四科平番人少孤比長蔬食縞衣晨昏哭泣兄弟共財不問出入貧不能婚嫁者助之且焚負券鄉人德之



胡乃玉平番人庠生自甘飢餓竭力奉親終身不懈親沒營葬躬親舂鏹哀悴終身

張其勳平番人道光時邑大饑出粟賑濟無少吝常登高眺望有日不舉火者輒率子姪負粟往給之後將契券悉焚燒子鴻猷能繼父志每遇歲歉於春耕時給散籽種以爲常

朱善祥字瑞堂平番人副將銜歷任連城指揮營守備事母至孝孺慕性成好施予周恤貧民鄉人莫不仰賴

常錫齡字九如平番人附貢生精於醫有求診者著手立愈未嘗受人一錢

張文選字萬青平番人同治五年回亂出貲補葺邑城人多賴之後值歲荒施散米麩全活鄉民無算

魯錫平番人指揮使如皋之嫡子孝事父母無懈後父卒痛甚

甘肅新通志

卷七十四

人物志

孝義下

七

時業經詳請承襲在案錫慨然流涕曰父既云亡即貴爲卿相何足榮遂不食數日而卒

常勤平番人庠生孝事繼母內外無閒言後繼母卒哀毀逾禮廬墓三年

石文選字子青平番人父病衣不解帶食不飽友愛兄弟和氣洋溢鄉人以孝友稱

盧建勳字偉齋平番人同治兵燹捐貲募勇護運糧米甘涼道黎某委帶奮義營防賊有功青海大臣豫某保獎五品藍翎巡檢其後凡有益於地方者無不樂爲鄉人倚之直如長城

聶養儒平番人年五十無子值歲饑散給貧民錢二千餘串未逾歲卽生一子人以爲作善之報

王有福平番人增生平生不干預地方公事而於興學善俗凡有



益於人者無不欣然爲之至今東鄉一帶猶稱爲善士云  
白長久平番人幼孤貧作小負販養母甘旨未嘗少缺母有不悅  
則以首抵母乳引母手自披其頸母解頤而後止值社會演劇則  
負母往游終日侍側指說所演故事母年八十餘長久年已六十  
未嘗一日懈也青海大臣豫某聞其孝且貧贈以金辭不受後母  
沒躄踊哭泣及葬朝夕定省墓所供饋飲食一如生時三年後不  
知所終時光緒十八年也

郭曹果平番人家赤貧事繼母甚孝業小經紀日所得無多自恐  
藜藿爲母致梁肉每進食輒於母前弄拳以博笑後母沒於墓前  
亦弄拳如生時人多見之

蔣得春平番人性至孝父嘗思食新韭得春赴蘭市之三日返足  
爲之腫戒家人勿令父母知後父沒母得癱疾親滌溺器者數年  
甘肅新通志  
卷七十四  
人物志  
孝義下  
未嘗有情容及母沒廬墓三年



甘州府

元甯朱桐山丹里民性至孝母年七十餘感風疾醫藥不效桐割肱  
啖之病遂愈歲餘疾復作足弱不能行桐造板輿夫婦共舁行田  
園以娛之

明徐 行甘州人儒學生少喪父事祖孝成化間祖卒廬墓都御史  
唐瑜奏請旌表其門宏治壬戌母病復割股啖之

毛 剛甘州右衛軍性至孝居喪廬於墓側有司上其事旌表其  
門

應 壽甘州後衛軍家貧竭力事親母病割股啖之後父母俱喪  
壽結廬墓側三年不茹葷酒朝夕悲號壽僅一子或月一至以饋  
菽粟

馬遇伯甘州人恩貢生明季流寇充斥城門晝扃其父居別墅遇

甘肅新通志

卷七十四

人物志 孝義下

美

伯將往省之門者力阻懇求之始縋城下時賊方執其父炮烙索  
金幣遇伯至給賊曰別室有金至則無之賊將殺遇伯以情告曰  
安所得金冀緩吾父須臾痛耳因長跪請代父死賊相顧駭然舍  
其父並遺以粟而去

劉思慎山丹拔貢髫齡喪母繼母待之甚嚴思慎屈意承事卒得  
底豫父沒後奉之愈謹謂家人曰事我堂上一人即事我地下二  
人也

國朝楊元昭甘州生員性至孝流寇犯甘州負母逃遇賊涕泣告哀賊  
不忍傷母病衣不解帶巡按聶玠旌其門

馬負圖賈大玉並張掖里民明末闖賊陷城巡撫林日瑞抗節被  
害一門俱殉無收殮者負圖及大玉乘間收日瑞並其家人屍殮  
之洎事定負圖令其子天祿大玉令其子文衡同扶柩送歸故里



巡撫黃圖安大加優獎給額以旌之

吳始祖張掖洞子渠人 國初夏月暴雨終朝冲破渠口渠民屢次修築水勢迂縮不入時始祖爲治水老人情急投水自死水忽盈渠灌流遂得澆田數千頃至今本渠人咸稱頌之

馬俊昌張掖人順治初年闖寇雖平甘鎮兵餉莫給昌助銀五千兩以濟軍需總鎮旌其門日捐金助國後逆回之叛黑城兵餉不足昌復助糧一月兵賴以安張勇時爲總兵至其家深嘉慰之

劉 愈張掖里民事繼母孝無忤色撫兩弟皆成立備極友愛里人匾其門

張毓秀張掖人性至孝年十八其父嵐久病諸藥罔效秀割股佐湯藥以進病良已越三年父以無病端坐而逝

姚 廉張掖人監生性至孝竭力事親母卒因父老不得遂其廬墓之志遂長齋茹素三年及父卒始廬於墓側寢苦枕石晨夕哭奠會西甯告警居人請避他處廉益堅守不移越三年值生辰悲哽成疾七日而終雍正七年具題 旌表

巨 敏張掖里民性至孝父年六旬繼母方少敏善事之無少忤獨其妻不禮焉教之不改怒之尤不改遂出之父逾八十敏亦耆艾而色養蒸蒸如一日里人鳴官旌其門

李正脈張掖里民性至孝母病醫藥罔效脈割股肉以啖之病良已里人旌其門日竭力事親

劉 泰張掖廩生母年七十患羸疾醫窘無效泰割左股肉以合藥病遂痊

田 敏張掖生員性篤孝母病衣不解帶者累月醫藥不效割肱啖之病遂愈里人鳴官旌其門



楊茂張掖烏江堡管城旗人父沒三年足不出戶庭母歿亦如之母病劇當代母諷經晨夕不懈里人咸稱順子

劉子奮甘州鎮營兵路拾遺金五十兩待至次日失主至原封與之有司以聞賞銀二十兩給八品頂戴

王命相張掖里民偶如廁得遺金三十兩坐廁側待之俄有人倉皇至叩之則覓遺金者也解囊以付其人感謝願以金分命相不顧而去里人揭匾旌之

郭昺字東升張掖貢生崇儒好善凡庠中有學行者必輸助之鄉會兩試資斧皆藉資焉任延安府訓導捐金三百重修文廟後子孫科名濟濟累世書香人以爲敬重斯文之報云

李學字文元張掖農官友孝睦嫺樂善好施辦公一十八年實心任事屢歲捐資助官廩賑粟督修萬壽宮興建古廟靡不潔

### 甘肅新通志

### 卷七十四

人物志

孝義下

表

己奉公歷任邑令均給匾優獎子孫繁衍徵種德之厚云

張光榮張掖龍首渠人家道殷實同治初回匪擾亂居民流離失所飢寒交迫光榮以粟賑濟略無吝色里人咸稱爲義士云

李良梓字子喬張掖永利渠人同治兵燹加以饑饉居民顛連轉散良梓罄家餘米穀以助之不望償還民皆德之

李鑑字子萬張掖盈科渠人性好善每於青黃不接時出餘糧以助人鄰里皆稱其賢

祁斌與弟彥俱山丹監生歲建山丹河浮橋冬築夏拆乾隆丙申力建長橋成而復傾丁酉又與庠生李天瀆陳維毅里民高尙謀等合力募修今名祁家橋

陳照山丹永固里民嘉慶十八年往耕偶拾遺金躬耕以待頃有人沿路尋覓照悉還之其人感謝贈額而去



王丕美太學生山丹人性篤孝好施與凡於親族中之孤孀無依及鄉里之冠婚喪祭無力成禮者卽出資以濟之其他修祠宇建學舍捐膏火造橋梁輸糧救饑施衣濟寒種種善行捐貲無算年就衰復焚化借券不使人知道光十一年邑令黃璟臚列事實詳請旌表

周宗禕山丹歲貢孩提知孝乳必跪食甫七齡家貧父沒願典身葬親鄉里憐而助之稍長雜於市僧傭工養母尋棄工業儒入泮食餼貢成均以慰母心母病劇親侍湯藥雖穢器必親滌之冬月母思食鮮魚吹火消冰卒得魚供母越十年母歿周年廬墓哀毀骨立悲痛氣噎嘔血而沒道光十一年邑令黃璟旌其門詳請旌表建坊入祠

王維經維綸山丹人皆篤於孝始終如一母老樂娛田園出則兄弟更替負之母疾篤奉侍湯藥寢食俱廢母沒兄弟皆哀毀成疴鄉里稱爲一門雙孝

張學政山丹人家貧傭工夜挑水拾遺金七錠俄有人覓遺金政悉還之其人感謝酬金不受後夫婦偕老子嗣綿綿咸以爲陰德所致云

馬良寶山丹庠生守正不阿見義勇爲均暖泉渠水利河西四關強梁夜餽盤金勸其退步寶以大義責之餽者慚去於是按糧均定除侵水奸弊渠民感之

毛伯齡山丹庠生果決有謀正直不屈均暖泉水利秉公剖晰人稱鐵面子漢疎通冰水修築渠口亦大有乃父風

丁積祿山丹里民張掖城北三十里有山丹河底悉流沙夏漲冬冰渡者苦之祿捐金造橋行人利涉郡守李元英旌之



穆鵬年山丹庠生慕化壩人縣治南二十里炭窰山路礮礮名曰  
乏牛坡行者苦之年出資開鑿以利行人

王 松撫彝沙河堡生員性至孝父病夤夜求醫日待湯藥寢不  
解衣者月餘且友愛昆弟周恤戚鄰里黨有爭忿善排解之道光  
紀元闔屬紳耆公舉孝廉方正因奉侍老親辭不赴考

程存理撫彝鴨翅渠人世業農性敦篤好施與咸豐三年捐科地  
二十九畝入本渠義學

申大儒撫彝鴨翅渠監生性慷慨好施與咸豐同治開捐貲創修  
義學增修書院置買地畝佐寒士膏火高臺翰林趙琴方沒儒爲  
之代籌喪事撫養遺孤同治四年肅州失陷倡首捐貲千餘串築  
古榆寨置槍礮刀矛等具令合渠數百家入寨避患俱獲安全儒  
家非素封而見義勇爲迄今郡人猶樂道之

甘肅新通志

卷七十四

人物志 孝義下

全

程立章撫彝醫生柳樹堡人同治四年肅城失陷章捐貲築堡措  
製軍械五年冬東賊至率衆堅守九十兩年西賊復至竭力捍禦  
賴保全者數百人後疫作兼以醫術活命堡衆勒石誌感

喬 崇撫彝西村人西陲軍需旁午崇率子銓及姪大臣等力任  
輓輸辛勤罔懈歷任官均褒獎之孫彥入邑庠



肅州直隸州

唐薛萬備寓居敦煌居母喪廬墓太宗表其門仕至左衛將軍

明芮攀龍肅州衛人父承誨早逝龍奉母至孝朝夕起居未嘗離側孺慕之誠有如一曰

顏 秩肅州衛人年三十歲妻亡誓不再娶處家有序教子有方鄉人稱爲義夫

顏希孔秩之孫幼懷家訓奉祖三十餘年未嘗少忤鄉人稱爲順孫云

國朝字玉林肅州處士素有善行順治初逆回之變避居於鄉及賊去後入城見死屍徧地積骸如山林惻然心傷捐家貲雇人車牛騾曳運累月葬埋郊外兵備朱某給匾旌其門曰尙義可風曾孫延有文行以庠生選入臬蘭書院

甘肅新通志

卷七十四

人物志

孝義下

全

張奇模肅州農官生平樂善好施年登期頤乾隆元年欽奉 恩詔賜八品頂戴建坊 旌表

段毓文肅州武生同治間回叛父清被賊縛至城中毓文狂奔入城省父向賊哀懇願以身代其父喝令速去云我年八十死得其所何必代賊欲不許而嘉其孝令人送歸家後賊破莊仍被害陳錫祿字次如肅州赤金所庠生父歿時年十四有志讀書而祖父母在堂皆六旬餘兄弟尙幼家貧甚入金塔營充字識藉以養親而學不輟食未嘗飽省口腹以奉親敬兄愛弟和氣一堂入州庠後惟以訓蒙勤耕爲事不求顯達祖父母歿盡哀盡禮鄉里共稱之

魏發春肅州人居金塔北夾墩灣距赤金一百二十餘里同治五年十二月肅回句結西河回數千竄至其地發春母年踰七旬促



發春速逃避發春請負母同避母畏寒不往發春不忍離相抱哭泣賊焚掠各莊惟發春莊當道無一賊入者母子獲全論者謂誠孝所感云

李建文肅州夾墩灣民同治閒回亂賊至莊建文扶其父並率妻子幼弟出避遇賊衝散建文見父被賊擄去追之不及遂突入賊中往來尋覓竟日賊如不見者至晚賊退方得其父已被燒傷下體不能動履次日負回至莊賊尚未去乃令幼弟同妻子往北山逃避建文以父傷甚重不能騎獨留奉事晝夜不離側卽有警聞亦不去四十餘日始愈父子並獲全其弟與妻子亦未遇害

段開文肅州西新渠人父英於同治六年正月督勇禦賊與弟考文同戰歿開文欲報父仇集壯丁朝夕訓練誓不與賊俱生十年陝回白彥虎率衆數千攻堡絕汲道勢急開文遣弟大文同文攜

甘肅新通志

卷七十四

人物志

孝義下

三

二子榮先緒先繼牆逸而已獨留死守十月十二日屯陷開文同母妻幼子幼女等並自焚死後學使許書忠烈家聲四字旌之

段育文肅州諸生城陷時父清年八十二率民勇圖規復遇賊被執繫之禮拜寺備歷諸苦育文聞之往視焉至城門賊叱曰爾何爲來此育文以實告賊作勢加刃於頸曰若不畏死耶曰吾父被若執吾來乞代父死耳何懼爲賊壯之引見清清見育文來大駭曰爾何爲至此育文見父被縛狀抱首長號清罵賊不屈遇害育文枕父尸而哭數日淚盡繼以血旋亦被害

增生李登學廩生賈生連皆高臺人均有孝行爲鄉黨所稱登學於乾隆四十九年題 旌生連於嘉慶十九年題 旌

閻 汶字齊川高臺人增生純孝性成諸兄弟多以武職顯汶絕意進取養親數十年不忍一步離左右母崔嘗患痰壅瀕危藥無



效汝潛以刀割臂上肉和藥以進輒愈沒後里人重其行製額頌之且風示來者云

賈 瑄高臺鎮夷人歲貢事親孝養居喪盡禮公舉優行有司旌曰文學孝行

薛振生高臺人候銓州同父母俱年踰八旬 朝廷優賜綿帛振生奉養無怠容居喪盡禮時人化之

雒鼎新高臺鎮夷人天性孝友兄茂榮無子鼎新事之如父榮病嘗侍湯藥每夕稽顙北辰求以身代及歿以子濟爲嗣時人義之有司表其門曰樂善超羣

楊 喜毛目人同治五年十二月賊至境喜與父國治倉猝奔散潛伏榛莽間聞父號泣聲蓋國治被執將加之刃也喜奔賊前匍匐乞命願以身代父死賊釋其父而殺之時年二十有五

甘肅新通志

卷七十四

人物志

孝義下

全



安西直隸州

國朝方好善安西二接堡人父早卒母石氏孀居撫孤同治十一年逆回陷堡時好善守陴見賊勢蠡擁冲圍歸探其母比入門母已被賊攢刺好善奮不顧身徑前擊賊殺傷甚衆身受數十創力不能支以身覆母俱被害事 聞旌卹如例

趙瞻武字純之安西州人幼孤撫於伯父壽渤性嗜學光緒丙子登賢書母劉氏卧疾瞻武衣不解帶藥必親嘗母卒廬墓三年哀毀骨立鄉里稱之取與之際一毫不苟當道慕其風節厚幣求見瞻武拒而不納赴京會試卒於客舍其嘉言懿行鄉人稱道不置郡守廖某嘗曰瞻武誠不愧孝廉也



